

四庫全書薈要

• 乾隆御覽本

史部

史記卷二十六

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

歷書第四

昔自在古歷建正作於孟春

索隱案古歷者謂黃帝調歷以前有上元太初歷等

皆以建寅為正謂之孟春也及顓頊夏禹亦以建寅為正唯黃帝及殷周魯並建子為正而秦正建亥漢初因之至武帝元封七年始改用太初歷仍以周正建子為十一月朔旦冬至改元太初歷焉今案此文至於十二月節皆出大戴禮

於時冰泮發蟄百草奮興秭鳩先泮

虞史伯夷之辭也

集解徐廣曰秭音姪鳩音規子鳩鳥也一名鸛鳩索隱

秭鳩先泮謂子鳩鳥春氣發動則先出野澤而鳴也又

案大戴禮作瑞鳩無釋未測其音當是字體各有訛變

耳鸛音弟鳩音桂楚辭云慮鸛鳩之先鳴使夫百草為

之不芳解者以

鸛鳩為杜鵑也物迺歲具生於東次順四時卒于冬分

時索隱卒音子律反分如字卒盡也言建歷起孟春盡

季冬則一歲之事具也冬盡之後分為來春故云冬

分也雞三號卒明

集解徐廣曰卒一作平又云卒斯也索隱三號三鳴也言夜至雞三鳴則天曉

乃始為正月一日言異歲也徐廣云率一作平又作斯於文皆便撫十二節卒于丑正義

撫猶循也自平明寅至雞鳴丑凡十二辰辰日月成故盡丑又至明朝寅使一日一夜故曰幽明

明也明者孟也幽者幼也幽明者雌雄也雌雄代興而順至正之統也日歸于西起明于東月歸于東起明于

西正不率天又不由人索隱此文出大戴禮是孔子稱周太史之詞則凡事

易壞而難成矣王者易姓受命必慎始初改正朔易服色推本天元順成厥意索隱言王者易姓而興必當推本天之元氣行運所在以定正

朔以承天意故云承順厥意也

太史公曰神農以前尚矣蓋黃帝考定星厯

索隱系本及律厯志

黃帝使羲和占日常儀占月更區占星氣泠綸造律呂大桡作甲子隸首作算數容成綜此六術而著調厯也

建立五行起消息

正義皇侃云乾者陽生為息坤者陰死為消也

正閏餘

集解駟案

漢書音義曰以歲之餘為閏故曰閏餘正義鄧平落下閏云一月之日二十九日八十一分日之四十三按計其餘分成閏故云正閏餘也每一歲三百六十六日餘六日小月六月是一歲餘十二日大計三十三月則一

閏之

於是天地神祇物類之官是謂五官

正義應劭云黃帝受

命有雲瑞故以雲紀官春官為青雲夏官為緡雲秋官為白雲冬官為黑雲中官為黃雲按黃帝置五官各以物類名其職掌也各司其序不相亂也民是以能有信神是以

能有明德民神異業敬而不瀆故神降之嘉生

集解應劭曰嘉

殺民以物享

正義劉伯莊云物事也人皆順事而享福也

災禍不生所求不

匱少皞氏之衰也九黎亂德

集解駟案漢書音義曰少皞時諸侯作亂者

民

神雜擾不可放物

索隱放音妨依也

禍菑荐至莫盡其氣

索隱荐音

在見反荐集也字或作薦古字假借用爾

顓頊受之乃命南正重司天以屬

神命火正黎司地以屬民

集解應劭曰黎陰官也火數二二地數也故火正司地以

屬萬民索隱案左傳重為勾芒木正黎為祝融火正此言南者劉氏以為南字誤非也蓋重黎二人元是木火之官兼司天地職而天是陽南是陽位故木亦是陽所以木正為南正也而火是地正亦稱北正者火數二二

地數地陰主北方故火正亦稱北正為此故也臣瓚以為古文火字似北未為深得也

使復舊常

無相侵瀆其後三苗服九黎之德

正義孔安國云三苗縉雲氏之後諸侯也

按服從也言九黎之君在少皞之世作亂今三苗之君從九黎亂德故南北二官皆廢使歷數失序

故二

官咸廢所職而閏餘垂次孟陬殄滅攝提無紀歷數失

序

集解駉案漢書音義曰次十二次也史推歷失閏則斗建與月名錯正月為孟陬閏餘垂錯不與正歲相

值謂之殄滅攝提星名隨斗杓所指建十二月若歷誤春三月當指辰而指巳是謂失序索隱案正月為陬陬音鄒又作候反楚詞云攝提貞于孟陬言歷數垂誤乃使孟陬殄滅不得其正也天官書云攝提三星若鼎足句直斗杓所指以建時節故為攝提

堯復遂重黎之後

格格至也言攝隨月建至故云格也

不忘舊者使復興之而立義和之官明時正度則陰陽

調風雨節茂氣至民無夭疫年者禪舜申戒文祖云

集解

徐廣曰戒一作敕正義言於文祖之廟以申戒舜也

天之厯數在爾躬

集解何晏曰厯數謂

列次舜亦以命禹

集解孔安國曰舜亦以堯命已之辭命禹也

由是觀之王

者所重也夏正以正月殷正以十二月周正以十一月

蓋三王之正若循環窮則反本天下有道則不失紀序

無道則正朔不行於諸侯幽厲之後周室微陪臣執政

史不記時君不告朔

集解鄭玄曰禮人君每月告朔於廟有祭謂之朝享

故疇人

子弟分散

集解如淳曰家業世世相傳為疇律年二十三傳之疇官各從其父學索隱韋昭云疇類

也孟康云同類之人明厯者也樂彥云疇昔知星人也

或在諸夏或在夷狄是以

其機祥廢而不統

集解如淳曰呂氏春秋荆人鬼而越人機今之巫祝禱祠淫祀之比也晉

灼曰機音珠機之機

周襄王二十六年閏三月而春秋非之先王

之正時也履端於始

集解韋昭曰謂正厯必先稱端始也若十一月朔旦冬至也舉

正於中

集解韋昭曰氣在望中則時日昏明皆正也

歸邪

集解音餘於終集解韋昭曰邪

餘分也終閏月也中氣在晦則後月閏在望是其正中也

履端於始序則不愆舉正

於中民則不惑歸邪

集解音餘

於終事則不悖其後戰國並

爭在於彊國禽敵救急解紛而已豈遑念斯哉是時獨

有鄒衍明於五德之傳

正義傳音竹戀反五德五行也

而散消息之分

以顯諸侯而亦因秦滅六國兵戎極煩又升至尊之日

淺未暇遑也而亦頗推五勝

集解駟案漢書音義曰五行相勝秦以周為火用水

勝之而自以為獲水德之瑞更名河曰德水而正

正義音征

以秦始皇名諱之故改也

以十月色上黑然厯度閏餘未能睹其真

也漢興高祖曰北時待我而起亦自以為獲水德之瑞

雖明習厯及張蒼等咸以為然是時天下初定方綱紀

大基高后女主皆未遑故襲秦正朔服色至孝文時魯
人公孫臣以終始五德上書言漢得土德宜更改元正
朔易服色當有瑞瑞黃龍見事下丞相張蒼張蒼亦學
律厯以為非是罷之其後黃龍見成紀張蒼自黜所欲
論著不成而新垣平以望氣見頗言正厯服色事貴幸
後作亂故孝文帝廢不復問至今上即位招致方士唐
都分其天部

集解駟案漢書音義曰謂分部二十八宿為距度

而巴落下閎運

算轉厯

集解徐廣曰陳術云徵士巴郡落下閎也索隱姚氏案益部耆舊傳云閎字長公明曉天文隱

於落下武帝徵侍詔太史於地中轉渾
天改額項歷作太初歷拜侍中不受也然後日辰之度

與夏正同乃改元更官號封泰山因詔御史曰乃者有

司言星度之未定也廣延宣問以理星度未能詹也

集解

徐廣曰詹一作售也索隱漢書作離離即售也故
徐廣作售韋昭云離比較也鄭德云相應為離也蓋聞

昔者黃帝合而不死名察度驗定清濁起五部建氣物

分數

集解應劭曰言黃帝造歷得仙名節會察寒暑致
啟閉分至定清濁起五部五部金木水火土也建

氣物分數皆叙歷之意也孟康曰合作也黃帝作歷歷
終復始無窮已故曰不死清濁律聲之清濁也五部五
行也天有四時為五行也氣二十四氣物萬物也分歷
數之分也贊曰黃帝聖德與虛合契升龍登仙於天故

曰合而不死題名宿度候察進退謂三辰之度吉凶之
驗也索隱臣瓚解為得案漢書作名察發斂韋昭云發
散斂斂也又續漢書以為道義之發斂景人然蓋尚矣
之長短則發斂是日行道去極盈縮者也

書缺樂弛朕甚閔焉朕唯未能循明也紬績日分

索隱
紬音

宙又如字紬績者女工紬緝之意以言率應水德之勝

造厯算運者猶若女工緝而織之也

集解徐廣曰蓋以今日順夏至

索隱謂夏至冬至也

黃鍾為宮林

為應土德土勝水

鍾為徵太簇為商南呂為羽姑洗為角自是以後氣復

正羽聲復清名復正變以至子日當冬至則陰陽離合
之道行焉十一月甲子朔旦冬至已詹其更以七年為

太初元年

索隱改元封七年為太初元年然漢始以建亥為年首今改以建子故以七年為元年韋

昭云漢興至此百二歲案律厯志云乃以前厯上元太初四千六百一十七歲至元封七年復得闕逢攝提

之歲中冬十一月

甲子朔旦冬至也

年名焉逢攝提格

集解徐廣曰歲陰在寅左行歲星在

丑右行索隱爾雅云歲在甲曰焉逢寅曰攝提格則此

甲寅之年十一月甲子朔旦夜半冬至也此篇末亦云

寅名攝提則是甲寅不疑也又據二年名單闕三年名

執徐等年次分明而漢志以為其年在丙子當是班固

用三統與太初厯不同故與太史公說有異而爾雅近

代之作所記年名又皆不同也蘇林云左行右行歲與

星行所

月名畢聚日得甲子夜半朔旦冬至

集解文穎曰律居陰

而治陽厯居陽而治陰更相治間不容期忽五家文悖

異推太初之元也索隱聚音姬案舊公云天元之始於

十一月甲子夜半朔旦冬至日月若連珠俱起牽牛之初歲雄在閏逢雌在攝提格月雄在畢雌在訾訾則姤訾之宿日雄在甲雌在子
子是陽氣支干之首也

歷術甲子篇

索隱以十一月朔旦冬至得甲子甲子是陽氣支干之首故以甲子命歷術為篇首

非謂此年歲在甲子也

太初元年歲名焉逢

索隱甲歲雄也漢書作闕逢亦音焉與此音同

攝提格

索隱

寅歲陰也此依爾雅甲寅之歲若據漢志以為丙子之年也

月名畢聚

索隱謂月值畢及姤訾也

畢月雄也聚月雌也

日得甲子

索隱謂十一月冬至朔旦得甲子也正義置大餘五十四算每年加

五十四日滿六十日除之奇算留之每至閏後一年加二十三算亦滿六十日除之奇算留之若纔足六十日

明年云無大餘無小餘也又明年以置五十四算如上
法置小餘三百四十八算每年加三百四十八分滿九
百三十八分成一日歸上餘算留之若至閏後一年加
八百四十七分亦滿九百三十八分成日歸大餘奇留
之明年以加三百四

夜半朔旦冬至

索隱以建子為正故以夜半為朔其

至與朔同日故云夜半朔旦冬至若建寅為正則以平
旦為朔正義置大餘五算加五日滿六十日則除之後
年更置五算如上法置小餘八算每年加八算滿三十
二分為一日歸大餘後年更置八算如上法大餘者日
也小餘者日

正北

索隱謂節首十一月甲子朔旦時加子為冬至故云正北也然每歲行周

天全度外餘有四分一以十二辰分之冬至常居四仲
故子年在子丑年在卯寅年在午卯年在酉至後十九
年章首在酉故云正西其正南正東並準此正義黃鍾
管子時氣應稱正北順行四時仲所至為正月一日是

歲之始盡一章十九年黃鍾管應在酉則稱正西他皆倣此

十二索隱歲有十二月有閏則云十三月

無大餘 無小餘

索隱其歲甲子朔旦日月合於牽牛之初餘分皆盡故無大小餘正義無

大小餘者以生閏月之歲有三百五十四日三百四十八分除五甲三百日餘有五十四日三百四十八分緣未滿六十日故置為來年大小餘亦為大初元年日行甲子朔旦冬至前年無奇日分故無大小餘也

無大餘 無小餘

索隱上大小餘朔之大小餘此謂冬至大小餘冬至亦與朔同日並無餘

分至與朔法異故重列之

焉逢攝提格太初元年

索隱漢志太初元年歲在丙子據此則甲寅歲爾雅釋天云歲

陽者甲乙丙丁戊己庚辛壬癸十干是也歲陰者子丑寅卯辰巳午未申酉戌亥十二支是也歲陽在甲云焉

達謂歲干也歲陰在寅云攝提格
謂歲支也正義焉音於乾反後同

十二

大餘五十四

索隱歲十二月六六大六小合三百五十四日以六除之五六三十除

三百日餘五十四日故下云大餘

者日也正義月朔旦甲子日法也

小餘三百四十八

索隱太初歷法一月之日二十九日九百四十分日之四

百九十九每兩月合成五十九日又餘五十八今十二月合餘六箇五十八得此三百四十八數故云小餘者月也正義未滿日之分數也其分每滿九百四十則成一日即歸上成五十日矣大餘五十四日每歲除小月六日則成三百五十四日除五甲三百日猶餘五十四日為未滿六十日故稱大餘五十四小餘三百四十八者其大數五十四之外更餘分三百四十八故

稱小餘三百四十八也此大小餘是月朔甲子日朔以非閏月之數一歲則有三百五十四日三百四十八分每六十日之餘為未滿六十日故有大小餘也是太初元年奇日奇分也

大餘五

索隱周天三百六十五度四分之一日行一度去歲十一月朔在牽牛初為

冬至今歲十一月十一日又至牛初為一周以六甲除之六六三十六除三百六十餘五故云大餘五也正義冬至甲子日法也

小餘八

索隱即四分之一小餘滿三十二從大餘一四八三十二故云小餘八明年又

加八得十六故下云小餘十六次明年又加八得二十四故下云小餘二十四又明年加八得三十二為滿故下云無小餘並可依太初歷法行之也正義未滿日之分數也其分每滿三十

二則成一日即歸上成六月矣大餘五者每歲
三百六十五日除六甲三百六十日猶餘五日
故稱大餘五日也小餘八者每歲三百六十五
日四分日之一則一日三十二分是一歲三百
六十五日八分故稱小餘是冬至甲子日法未
生閏月之數每六十日除之為未滿六十日故
有大小餘也此是太
初元年奇日奇分也

端蒙單閏二年

集解徐廣曰單閏一作夏安索隱端蒙
乙也爾雅作旃蒙單閏卯也丹遏二音

又音蟬馬歲在乙卯也正義單音丹
又音特連反閏音烏葛反又於連反

閏十三

大餘四十八

小餘六百九十六

大餘十

小餘十六

游兆執徐三年

索隱游兆景也爾雅作柔兆執徐辰也正義三年丙辰歲也

十二

大餘十二

小餘六百三

大餘十五

小餘二十四

彊梧大荒落四年

索隱彊梧丁也大荒落巳也正義梧音語四年丁巳歲也

十二

大餘七

小餘十一

大餘二十一

無小餘

徒維敦牂天漢元年

索隱徒維戊也敦牂午也正義牂音作郎反天漢元年戊午歲也

閏十三

大餘一

小餘三百五十九

大餘二十六

小餘八

祝犂協洽二年

索隱祝犂己也爾雅作著雍協洽未也正義二年己未歲也

十二

大餘二十五

小餘二百六十六

大餘三十一

小餘十六

商橫涖灘三年

索隱商橫庚也爾雅作上章涖灘申也本作亦奮若非也天官書及爾雅申為

涖灘丑為赤奮若今自太初己來計歲次與天官書不同者有四蓋後之歷術改也正義涖音吐魂反灘音吐

丹反又作涖漢字音與上同三年庚申歲也

十二

大餘十九

小餘六百一十四

大餘三十六

小餘二十四

昭陽作噩四年

索隱昭陽辛也爾雅作重光作
噩酉也正義四年辛酉歲也

閏十三

大餘十四

小餘二十二

大餘四十二

無小餘

橫艾淹茂太始元年

索隱橫艾壬也爾雅作玄默淹茂
戌也正義大始元年壬戌歲也

十二

大餘三十七

小餘八百六十九

大餘四十七

小餘八

尚章大淵獻二年

索隱尚章癸也爾雅作昭陽大淵獻亥也一本作困敦非也天官書子為

困敦與爾雅同正

義二年癸亥歲也

閏十三

大餘三十二

小餘二百七十七

大餘五十二

小餘一十六

焉逢困敦三年

索隱焉逢甲也困敦子也一本作大淵獻非也天官書云亥為大淵獻與爾雅

同正義敦音頓三年甲子歲也

十二

大餘五十六

小餘一百八十四

大餘五十七

小餘二十四

端蒙赤奮若四年

索隱端蒙乙也赤奮若丑也一本作
涖難非也天官書申為涖難與爾雅

同四年已後自太始征和已下訖篇末其年次申
乙皆准此並褚先生所續也正義四年乙丑歲也

十二

大餘五十

小餘五百三十二

大餘三

無小餘

正義准前解小
餘是日之餘分

也自右歷書已下小餘又非是年名
復不周備恐褚先生及後人所加

游兆

集解徐廣
曰作游桃

攝提格征和元年

正義李巡註云爾雅
云萬物承陽而起故

曰攝提格起也孔文祥云以歲在寅正月出東方為衆
星之紀以攝提宿故曰攝提以其為歲月之首起於孟

厥故云
格正也

閏十三

大餘四十四

小餘八百八十

大餘八

小餘八

彊梧單閏三年

正義李巡云言陽氣推萬物而起故曰單閏單盡閏止也

十二

大餘八

小餘七百八十七

大餘十三

小餘十六

徒維執徐三年

正義李巡云伏蟄之物皆敷舒而出故云執徐也

十二

大餘三

小餘一百九十五

大餘十八

小餘二十四

祝犂大芒落四年

集解芒一作荒正義姚察云言萬物皆熾盛而大出霍然落之故云荒落

也

閏十三

大餘五十七

小餘五百四十三

大餘二十四

無小餘

商橫敦牂後元元年

正義爾雅云敦盛也牂壯也言萬物盛壯也

十二

大餘二十一

小餘四百五十

大餘二十九

小餘八

昭陽汁洽二年

集解汁一作協正義李昉云言陰陽化生萬物和合故曰協洽也

閏十三

大餘十五

小餘七百九十八

大餘三十四

小餘十六

橫艾渚灘始元元年正西

集解渚灘一作芮漢正義孫炎註云爾雅云渚灘萬物吐

秀傾垂之貌也

十二

大餘三十九

小餘七百五

大餘三十九

小餘二十四

尚章作噩二年

集解噩一作鄂正義李廵云作鄂萬物皆落枝起之貌也

十二

大餘三十四

小餘一百一十三

大餘四十五

無小餘

焉逢淹茂三年

集解淹一作閏正義李廵云言萬物皆蔽冒故曰閏茂蔽冒也

閏十三

大餘二十八

小餘四百六十一

大餘五十

小餘八

端蒙大淵獻四年

正義孫炎云淵獻深也獻萬物於天深於藏蓋也

十二

大餘五十二

小餘三百六十八

大餘五十五

小餘十六

游北困敦五年

正義孫炎云困敦混沌也言萬物萌混沌於黃泉之下也

十二

大餘四十六

小餘七百一十六

無大餘

小餘二十四

彊梧赤奮若六年

正義李巡云陽氣奮迅萬物而起無不若其性故曰赤奮若若順也

閏十三

大餘四十一

小餘一百二十四

大餘六

無小餘

徒維攝提格元鳳元年

十二

大餘五

小餘三十一

大餘十一

小餘八

祝犂單閼二年

十二

大餘五十九

小餘三百七十九

大餘十六

小餘十六

商橫執徐三年

閏十三

大餘五十三

小餘七百二十七

大餘二十一

小餘二十四

昭陽大荒落四年

十二

大餘十七

小餘六百三十四

大餘二十七

無小餘

橫艾敦牂五年

閏十三

大餘十二

小餘四十二

大餘三十二

小餘八

尚章汁洽六年

十二

大餘三十五

小餘八百八十九

大餘三十七

小餘十六

焉逢涖灘元平元年

十二

大餘三十

小餘二百九十七

大餘四十二

小餘二十四

端蒙作噩本始元年

閏十三

大餘二十四

小餘六百四十五

大餘四十八

無小餘

游北閣茂二年

十二

大餘四十八

小餘五百五十二

大餘五十三

小餘八

彊梧大淵獻三年

十二

大餘四十二

小餘九百

大餘五十八

小餘十六

徒維困敦四年

閏十三

大餘三十七

小餘三百八

大餘三

小餘二十四

祝犂赤奮若地節元年

十二

大餘一

小餘二百一十五

大餘九

無小餘

商橫攝提格二年

閏十三

大餘五十五

小餘五百六十三

大餘十四

小餘八

昭陽單閼三年正南

十二

大餘十九

小餘四百七十

大餘十九

小餘十六

橫艾執徐四年

十二

大餘十三

小餘八百一十八

大餘二十四

小餘二十四

尚章大荒落元康元年

閏十三

大餘八

小餘二百二十六

大餘三十

無小餘

焉逢敦牂二年

十二

大餘三十二

小餘一百三十三

大餘三十五

小餘八

端蒙協洽三年

十二

大餘二十六

小餘四百八十一

大餘四十

小餘十六

游兆涸灘四年

閏十三

大餘二十

小餘八百二十九

大餘四十五

小餘二十四

彊梧作靈神雀元年

十二

大餘四十四

小餘七百三十六

大餘五十一

無小餘

徒維淹茂二年

十二

大餘三十九

小餘一百四十四

大餘五十六

小餘八

祝犂大淵獻三年

閏十三

大餘三十三

小餘四百九十二

大餘一

小餘十六

商橫困敦四年

十二

大餘五十七

小餘三百九十九

大餘六

小餘二十四

昭陽赤奮若五鳳元年

閏十三

大餘五十一

小餘七百四十七

大餘十二

無小餘

橫艾攝提格二年

十二

大餘十五

小餘六百五十四

大餘十七

小餘八

尚章單閼三年

十二

大餘十

小餘六十二

大餘二十二

小餘十六

焉逢執徐四年

閏十三

大餘四

小餘四百一十

大餘二十七

小餘二十四

端蒙大荒落甘露元年

十二

大餘二十八

小餘三百一十七

大餘三十三

無小餘

游兆敦牂二年

十二

大餘二十二

小餘六百六十五

大餘三十八

小餘八

彊梧協洽三年

閏十三

大餘十七

小餘七十三

大餘四十三

小餘十六

徒維浚灘四年

十二

大餘四十

小餘九百二十

大餘四十八

小餘二十四

祝犂作噩黃龍元年

閏十三

大餘三十五

小餘三百二十八

大餘五十四

無小餘

商橫淹茂初元元年正東

十二

大餘五十九

小餘二百二十五

大餘五十九

小餘八

昭陽大淵獻二年

十二

大餘五十三

小餘五百八十三

大餘四

小餘十六

橫艾困敦三年

閏十三

大餘四十七

小餘九百三十一

大餘九

小餘二十四

尚章赤奮若四年

十二

大餘十一

小餘八百三十八

大餘十五

無小餘

焉逢攝提格五年

十二

大餘六

小餘二百四十六

大餘二十

小餘八

端蒙單閼永光元年

閏十三

無大餘

小餘五百九十四

大餘二十五

小餘十六

游兆執徐二年

十二

大餘二十四

小餘五百一

大餘三十

小餘二十四

彊梧大荒落三年

十二

大餘十八

小餘八百四十九

大餘三十六

無小餘

徒維敦牂四年

閏十三

大餘十三

小餘二百五十七

大餘四十一

小餘八

祝犁協洽五年

十二

大餘三十七

小餘一百六十四

大餘四十六

小餘十六

商橫涖灘建昭元年

閏十三

大餘三十一

小餘五百一十二

大餘五十一

小餘二十四

昭陽作噩二年

十二

大餘五十五

小餘四百一十九

大餘五十七

無小餘

橫艾閏茂三年

十二

大餘四十九

小餘七百六十七

大餘二

小餘八

尚章大淵獻四年

閏十三

大餘四十四

小餘一百七十五

大餘七

小餘十六

焉逢困敦五年

十二

大餘八

小餘八十二

大餘十二

小餘二十四

端蒙赤奮若竟寧元年

十二

大餘二

小餘四百三十

大餘十八

無小餘

游兆攝提格建始元年

閏十三

大餘五十六

小餘七百七十八

大餘二十三

小餘八

彊梧單閼二年

十二

大餘二十

小餘六百八十五

大餘二十八

小餘十六

徒維執徐三年

閏十三

大餘十五

小餘九十三

大餘三十三

小餘二十四

祝犁大荒落四年

右歷書大餘者日也小餘者月也端旗蒙者年名也支丑名赤奮若寅名攝提格干丙名游兆正北

冬至加

正西

時加酉

正南

時加午

正東

時加卯

索隱述贊曰歷數之興其來尚矣重黎是司容成斯紀推步天象消息母子五勝輪環三正互起孟陬貞歲疇人順軌敬授之方履端為美

史記卷二十六

史記卷二十六考證

歷書正閏餘正義一月之日二十九日八十一分日之
四十三○監本誤作四十八今改正

又小月六月○監本誤作小月大月今改正

其更以七年為太初元年○臣照按武帝太初元年歲

在丁丑非甲寅也此云年名焉逢攝提格月名畢聚
日得甲子夜半朔旦冬至者蓋著太初歷術之元非
是年為甲寅年甲寅月十一月甲子朔旦冬至也況

年為甲寅月則為丙寅必不得為畢聚也司馬貞華

不明歷法故紛紛聚訟耳又按歷術甲子篇第一章

蓋後人因上文焉逢至冬至二十一字引而不發難

以推步故續此一篇于後以申其義非遷本書也後

復有焉逢攝提格太初元年以至末祝犂大荒落建

始四年則又後人推行而續增之已不知太初元年

甲寅之為托始而直以為武帝太初元年為甲寅矣

故所紀甲子無一不悞如建始四年為壬辰而悞以

為己巳也其文既叙至成帝建始四年則非馬遷本文不待辨矣竊恐尚非褚少孫之筆又按歲在焉逢攝提格甲寅年也月在畢聚甲寅月也甲寅年則正月為丙寅甲寅月則歲為壬癸今曰歲在甲寅月在甲寅日得甲子者謂甲寅歲之前十一月則甲子正月建丙寅之十一月則亦甲子也厯從夏時則曰月在畢聚厯從周正則曰歲在焉逢攝提格蓋夏時周正皆所以敬授人時而厯元必從冬至起則一也元

必始甲無始壬癸之理則文必如是乃明也是故不特武帝太初元年非歲在甲寅亘古固無甲寅年之甲寅月也

月名畢聚○按爾雅月在甲曰畢為月陽又曰正月為陬邢昺疏曰正月得甲則曰畢陬若史記歷書云月名畢聚也陬古字作聚讀為陬音

史記卷二十六考證

謹案卷二十五第一頁後四行終於南事刊本事
訛呂據後漢書律厯志改

第十二頁前八行八八為伍刊本伍訛五據漢書
律厯志改

考證第五頁前一行杜夔荀勗所論刊本勗訛最
今改

卷二十六第六頁後二行續漢書以為道義之發
斂景人之長短今考續漢志作道之發斂景之

長短此義字人字衍

第七頁前二行四千六百一十七歲刊本四下衍
年字據漢書律厯志刪

第七頁後二行日雄在甲雌在子刊本複衍在子
二字據毛本索隱刪

第十頁前二行故稱大餘五日也案本書上文作
大餘五無日字此誤衍

第十頁前三行故稱小餘案小餘下當有八也二

字各本俱脫

第十一頁後六行爾雅作玄默刊本默訛默據爾
雅改

第二十四頁後七行閏十三刊本脫此三字據監
本毛本增

考證第一頁前六行年名焉逢刊本焉訛馬今改

欽定四庫全書

總校官庶吉士臣侍朝

校對官檢討臣王鍾健

謄錄貢生臣張映灼

欽定四庫全書叢要

史部
史記卷二十七

詳校官主事銜臣徐以坤



史記卷二十七

漢

太

史

令司馬遷

撰

宋中郎外兵曹參軍裴駙集解

唐國子博士弘文館學士司馬貞索隱

唐諸王侍讀率府長史張守節正義

天官書第五

索隱案天文有五官官者星官也星座有尊卑
若人之官曹列位故曰天官正義張衡云文曜



麗乎天其動者有七日月五星是也白者陽精之宗月者陰精之宗五星五行之精衆星列布體生於地精成於天列居錯峙各有所屬在野象物在朝象官在人象事其以神著有五列焉是有三十五名一居中夾謂之北斗四布於方各七為二十八舍日月運行歷示吉凶五緯躔次用告禍福

中宮天極星

索隱姚氏案春秋元命包云宮之為言宣也宣氣立精為神垣又文耀鉤曰中宮大

帝其精北極星含元出氣流精生一也爾雅云北極謂之北辰又春秋合誠圖云北辰其星五在紫微中楊泉物理論云北極天之中陽氣之北極也極南為太陽極北為太陰日月五星行太陰則無光行太陽則能照故為昏明寒暑其限極也其一明者太一常居也索隱案春秋合誠圖云紫微大帝室

太一之精也正義泰一天帝之別名也
劉伯莊云泰一天神之最尊貴者也
旁三星三公或

曰子屬

正義三公三星在北斗杓東又三公三星在北斗魁西並為太尉司徒司空之象主變出陰陽

佐機務占以徙為不吉居常則安金火守之並為咎也

後句四星末大星正妃餘

三星後宮之屬也

索隱句音鉤句曲也援神契云辰極橫后妃四星從大妃光明又按星經

以後句四星名為四輔其句陳六環之匡衛十二星藩星為六宮亦主六軍與此不同也

臣皆曰紫宮

索隱元命包曰紫之言此也宮之言中也言天神運動陰陽開閉皆在此中也宋均

又以為十二宮中外位各定總謂之紫宮也

前列直斗口三星隋北端兌若

見若不曰陰德

索隱劉氏直音如字直當也又音值隋果反北一作比案漢書天文志北

作比端作鼎免作銳銳謂星形尖邪也文耀鉤曰陰德為天下網宋均以為陰行德者通常也正義星經云陰德二星在紫微宮內尚書西主施德惠者故贊陰德遺惠周急賑撫占以不明為宜明新君踐極也又云陰德星中宮女主之象星動搖或曰天一正義天一星疆界起宮掖貴嬪內妾惡之問閭外天帝之神主戰鬪知人吉凶明而有光則陰陽和萬物成人主吉不然反是太一一星次天一南亦天帝之神主使十六神知風雨水旱兵革饑饉疾疫占以不明及移為災也星經云天一太一二星主王者即位令諸立赤子而傳國位者星不欲微微則廢立不當其次宗廟不享食也紫宮左三星曰天棓右三

星曰天棓

集解蘇林曰音柳打之柳索隱棓音七庚反棓音皮韋昭音剖詩緯云天棓三星天棓五

星在斗杓左右主槍人棓人石氏星讚云天棓天棓八星備非常之變也正義棓龐掌反天棓五星在女牀東

北天子先驅所以禦兵也
也占星不具國兵起也
後六星絕漢抵營室曰閼道隱索

絕度也抵屬也又案樂汁圖徵云閼道北斗之輔石氏
云閼道六星神所乘也正義漢天河也直度曰絕抵至

也營室七星天子之宮亦為玄宮亦為清廟主上公亦
天子離宮別館也王者道被草木營室歷九象而可觀

閼道六星在王良北飛閼之道天子欲遊別宮之道
占一星不見則輦路不通動搖則宮掖之內起兵也北

斗七星所謂旋璣玉衡以齊七政
斗索隱春秋運斗樞云

第三璣第四權第五衡第六開陽第七搖光第一至第

四為魁第五至第七為杓合而為斗文耀鉤云斗者天

之喉舌玉衡屬杓魁為旋璣徐整長厯云北斗七星星

間相去九千里其二陰星不見者相去八千里也尚書

旋作璣馬融云璣美玉也璣渾天儀可轉旋故曰旋璣
衡其中橫甬以璣為璣以玉為衡蓋貴天象也鄭玄注

大傳言渾儀其中第為璿璣外規為玉衡者是也尚書
大傳云七政謂春秋冬夏天文地理人道所以為政也
人道正而萬事順成又馬融注尚書云七政者北斗七
星各有所主第一曰主日法天第二曰主月法地第三
曰命火謂熒惑也第四曰煞土謂填星也第五曰伐水
謂辰星也第六曰危木謂歲星也第七曰罰金謂太白
也日月五星各異杓攜龍角集解孟康曰杓北斗杓也
故名曰七政也龍角東方宿也攜連也正
義按角星為天關其間天門其內天庭黃道所經七曜
所行左角為理主刑其南為太陽道右角為將主兵其
北為太陰道也蓋天之三門故其星明集解
大則天下太平賢人在位不然反是晉灼
曰衡斗之中央殷中也魁枕參首
索隱宋均云殷當也正義枕之禁反衡斗
言北宮斗斗衡直北當之魁枕於參宿之首北斗之杓
連於龍角南斗六星為天廟丞相太宰之位主薦賢良

授爵祿又主兵一曰天機南二星天梁中央一星天相
北二星天府度也占斗星盛明王道和平爵祿行不然
反是參主斬刈又為天獄主殺罰其中三星橫列者三
將軍東北曰左肩主左將西北曰右肩主右將東南曰
左足主後將軍西南曰右足主偏將軍故軒轅氏占參
應七將也中央三小星曰伐天之都尉也主戎狄之國
不欲明若明與參等大臣謀亂兵起夷狄內戰七將皆
明主天下兵振芒角張王道缺參失色軍散敗參芒角
動搖邊候有急參左足入玉
井中及金火守皆為起兵

用昏建者杓杓自華以西

南集解孟康曰傳曰斗第七星法太白主杓斗之尾也
尾為陰又其用昏昏陰位在西方故主西南索隱說
文云杓斗柄音匹遙反即招搖也正義杓東北第七星
也華華山也言北斗昏建用斗杓星指寅也杓華山西
南之
地也
夜半建者衡集解徐廣
衡殷中州河濟之間孟康

曰假令杓昏建衡衡夜半亦建寅正義衡北斗衡也言
北斗夜半建用斗衡指寅殷當也斗衡黃河北斗衡之間
地也

平旦建者魁魁海岱以東北也

集解孟康曰傳曰斗

也魁斗之首首陽也又其用在明陽與明德在東方故
主東北齊分正義言北斗旦建用斗魁指寅也海岱代
郡也言魁星主海岱之東北斗為帝車運于中央臨制
地也隨三時所指有三建也

四鄉分陰陽建四時均五行移節度定諸紀皆繫於斗

索隱姚氏案宋均云言是大斗魁戴匡六星曰文昌宮

帝乘車巡狩故無所不紀也

集解晉灼曰似戴故曰戴匡索隱文耀鉤云文昌宮為
天府孝經援神契云文者精所聚昌者揚天紀輔拂並
居以成天象

故曰文昌宮一曰上將二曰次將三曰貴相四曰司命

五曰司中六曰司祿

索隱春秋元命包曰上將建威武次將正左右貴相理文緒司祿賞

功進士司命主災咎司中主左理也

在斗魁中貴人之牢

集解孟康曰傳曰天理四星在

斗魁中貴人牢名曰天理索隱樂汁圖徵曰天理貴人牢宋均曰以理牢獄也正義占明及其中有星此貴人

下獄也

魁下六星兩兩相比者名曰三能

集解蘇林曰能音台三能

色齊君臣和不齊為乖戾

索隱案漢書東方朔願陳泰階六符孟康曰泰階三台也

台星凡六星六符六星之符驗也應劭引黃帝泰階六符經曰泰階者天子之三階上階上星為男主下星為

女主中階上星為諸侯三公下星為卿大夫下階上星

為士下星為庶人三階平則陰陽和風雨時不平則稼

穡不成冬雷夏霜天行暴令好興甲輔星明近輔臣親兵修宮榭廣苑園則上階為之圻也

彊斥小疏弱集

解孟康曰在北斗第六星旁蘇林曰斥

而明則臣奪君政小而不明則臣不任職明大與斗合

國兵暴起暗而遠斗臣不死則奪若近臣專賞排賢用

佞則輔生角近臣擅國符印將

杓端有兩星一內為矛

招搖

集解孟康曰近北斗者招搖招搖為天矛晉灼曰

樞云梗河中招搖為胡兵宋均云招搖星在梗河內樂

汁園徵云梗河天矛星宋均以為梗河名天矛則梗河

是星

一外為盾天鋒集解晉灼曰外遠北斗也在招搖

名也

為戟劍之星若星不見或進退不有句園十五星屬杓

定鋒鎬亂起將為邊境之患也

索隱句音鈞國音員其形如連曰賤人之牢其牢中星

環即貫索星也正義屬音燭

實則囚多虛則開出

索隱詩云應福云賤人牢一日天獄又樂汁圖徵云連營賤人牢宋

均以為連營貫索星也正義貫索九星在七公前一日連索一曰連營一曰天牢主法律禁暴強故為賤人牢也牢口一星為門欲其開也九星悉見則獄事繁不見則刑務簡動搖則斧鉞用中虛則改元口開則有赦人主憂若閉口及星入牢中有自繫死者常夜候之一星不見有小喜二星不見則賜祿三星不見則人主德令且赦遠十七日近十六日若有客星出視其小大大有大赦小亦如之

天一槍梃矛盾動

搖角大兵起

集解李奇曰角芒角

東宮蒼龍房心為明堂

索隱文耀鉤云東宮蒼帝其精為龍爾雅云大辰房心尾

也李巡曰大辰蒼龍宿體最明也春秋說題辭云房心為明堂天王布政之宮尚書運期授曰所謂房四表之

道宋均云四星間有三道日月五星所從出入也

大星天王前後星子屬不欲

直直則天王失計

索隱鴻範五行傳曰心之大星天王也前星太子後星庶子

房為

府曰天駟

索隱爾雅云天駟房也詩汜厯樞云房為天馬主車駕宋均云房既近心為明堂又別為

天府及其陰右驂

正義房星君之位亦主左驂亦主良

天駟也故為駟王者恒祠之是馬祖也

旁有兩星曰鈴

索隱鈴音其炎反元命包曰鈞鈴兩星以闕防神府閭舒為主鈞距以備非常

也正義占明而近房天下同心鈞鈴房心之間有客星出及疎拆者皆地動之祥也

北一星曰牽

集解徐廣曰音轄正義說文云牽車軸端鍵也兩相穿背也星經云鍵閉一星在房東北掌管籥也占不居其所則宮門不禁

東北曲十二星曰旗

正義兩旗者左旗九星在河鼓左也

右旗九星在河鼓右也皆天之鼓旗所以為旌表占欲其明大光潤將軍吉不然為兵憂及不居其所則津梁不通動搖旗中四星曰天市中六星曰市樓市中星眾則兵起

者實其虛則耗

正義耗貧無也天市垣二十二星在房心東北主國市聚交易之所一曰天旗

明則市吏急商人無利忽然不明反是市中星眾則歲實稀則歲虛熒惑犯錢不忠之臣彗星出當從市易都客星入兵大起房南眾星曰騎官左角李右角將

索隱李即

理法官也故元命包云左角理物以起右角將率而動又石氏云左角為天田右角為天門也

大角者

天王帝庭

索隱援神契云大角為坐候宋均云坐帝坐也正義大角一星在兩攝提間人君之象也

占其明盛黃潤則天下大同也

其兩旁各有三星鼎足句之曰攝提攝

提者直斗杓所指以建時節故曰攝提格

集解晉灼曰如鼎之句曲

索隱元命包云攝提之為言提携也言能提斗携角以接於下也正義攝提六星夾大角大臣之象恒直斗杓所指紀八節察萬事者也占色溫溫不明

亢為疏廟主

疾索隱元命包云亢四星為廟廷文耀鉤為疏廟宋均以為疏外也廟或為朝也正義聽政之所也其占明

大則輔臣忠天下其南北兩大星曰南門正義南門二寧不然則反是也

星在庫樓南

天之外門占明則氐羌貢暗則氐為天根主疫

索隱星經云氐

四星為路寢聽朝所居其占明大則臣下奉度春秋合誠圖云氐為宿宮也爾雅云天根氐也孫炎以為角亢下繫於氐若木之有根宋均云疫疾也三月榆莢落故主疾疫也然此時物雖生而日宿在奎行毒氣故有疫

疾也正義氏房心三宿為尾為九子曰君臣斥絕不和

火於辰在卯宋之分野

索隱宋均云屬後宮場故得兼子子必九者取尾有九

星也元命包云尾九星箕四星為後宮之場也正義尾

箕尾為析木之津於辰在寅燕之分野尾九星為後宮

亦為九子星近心第一星為后次三星妃次三星嬪末

二星妾占均明大小相承則後宮叙而多子不然則不

金火守之後宮兵起若明暗不常妃嫡乖亂妾媵失序

箕為教客曰口舌索隱宋均云教調弄也箕以簸揚調

弄為象箕又受物有去去來來客之

象也詩云維南有箕載翕其舌又詩緯云箕為天口主

出氣是箕有舌象諛言故詩曰哆兮侈兮成是南箕謂

為教客行請謁也正義教音傲箕主八風亦后妃之府

也移徙入河國人相食金火入守天下亂月宿其野為

風火犯守角則有戰房心王者惡之也索隱韋昭曰火

起

犯守箕尾氐星自生芒角則有戰陣之事若熒惑守房心及房心自生芒角則王者惡之也

南宮朱鳥

義索隱文耀鉤云南宮赤帝其精為朱鳥也正

味

權衡

集解孟康曰軒轅為權太微為衡正義權四星在軒轅尾西主烽火備警急占以明為安靜不

明則警急動搖芒角亦如之衡太微之庭也

衡太微三光之廷

索隱宋均曰太微天帝南

宮也三光日月五星也

匡衡十二星藩臣

索隱春秋合誠圖曰太微主法式陳星十二以

備武惠也正義太微宮垣十星在翼軫地天子之宮庭五帝之坐十二諸侯之府也其外藩九卿也南藩中二星間為端門次東第一星為左執法廷尉之象第二星為上相第三星為次相第四星為次將第五星為上將端門西第一星為右執法御史大夫之象也第二星為上將第三星為次將第四星為次相第五星為上相其

東垣北左執法上相兩星間名曰左掖門上相兩星間名曰東華門上相次相上將次將間名曰太陽門其西垣右執法上將間名曰右掖門上將間名曰西華門次將次相間名曰中華門次相兩星間名曰太陰門各依其名是其職也占

西將東相南四星執法中端門門左

右掖門門內六星諸侯

正義內五諸侯五星列在帝庭其星並欲光明潤澤若枯燥則

各於其處受其災變大至誅戮小至流亡若動搖則擅命以干主者審其分以占之則無惑也又云五諸侯五星在東并東北近北河主刺舉戒不虞又曰理陰陽察得失一曰帝師二曰帝友三曰三公四曰博士五曰太史此五者為天子定疑議也占明大潤澤大小其內五齊等則國之福不然則上下相猜忠臣不用

星五帝坐

索隱詩含神霧云五精星坐其東蒼帝坐神名靈威仰精為青龍之類也正義黃帝坐一

星在太微宮中含樞紐之神四星夾黃帝坐蒼帝東方
靈威仰之神赤帝南方赤熒怒之神白帝西方白招矩
之神黑帝北方叶光紀之神五帝並設神靈集謀者也
占五座明而光則天子得天地之心不然則失位金火
來守入太微若順入軌道司其出之所守則為天子所
誅也其逆入若不軌道以所犯命之中坐成形羣下從
謀也後聚一十五星蔚然集解徐廣曰一云哀烏曰郎位索隱漢書
哀烏蔚然皆星之貌狀其星昭然所以象郎位也正義
郎位十五星在太微中帝坐東北周之元士漢之光祿
中散諫議此三署郎中是今之尚書傍一大星將位也
郎占欲其大小均耀光潤有之吉也索隱宋均云為羣郎之將帥也正義將子象反郎將一
星在郎位東北所以為武備今之左右中郎將占大而
明角將恣月五星順入軌道索隱韋昭云謂循軌道不
不可當也邪逆也順入從西入也正

軌謂月五星順入司其出所守天子所誅也
索隱宋均云司察日

月五星所守列宿若請官屬不去
十日者於是天子命使誅之也
其逆入若不軌道以

所犯命之中坐成形皆羣下從謀也
集解晉灼曰中坐犯帝座也成形禍

福之形見也索隱宋均云逆入從東入不軌道不由康
衢而入也以其所犯命者亦謂隨所犯之位天子必命

誅討其人也正義命名也謂月五星逆入不依軌道司

察其所犯太微中帝坐帝坐必成其形戮皆是羣下相

從而謀金火尤甚
索隱案火主銷物而金為兵故尤急

上也
則水土木為小變也正義若金火逆

入不軌道犯帝坐尤
廷藩西有隋星五曰少微士大夫

甚於月及水土木也

隋音他果反索隱宋均云南北為隋隋謂垂下也春秋

合誠圖云少微處士位又天官占云一名處士星也正

義廷太微廷藩衛也少微四星在太微南北列第一星處士也第二星議士也第三星博士也第四星大夫也占以明大黃潤則賢士舉不明反權軒轅軒轅黃龍體是月五星犯守處士憂宰相易也

前大星女主象旁小星御者後宮屬

集解孟康曰形如騰龍索隱援神契

曰軒轅十二星后宮所居石氏星讚以軒轅龍體主后妃也正義軒轅十七星在七星北黃龍之體主雷雨之神後宮之象也陰陽交感雷激為電和為雨怒為風亂為霧凝為霜散為露聚為雲氣立為虹蜺離為背瑁分為抱珥二十四變皆軒轅主之其大星女主也次北一星夫人也次北一星妃也其次諸星皆次妃之屬女主南一小星女御也左一星少民后宗也右一星大民太后宗也占欲其小黃而明吉大明則為後宮爭競移徙則國人流徙東西角大張而振后族敗水火金守軒轅女主惡也

月五星守犯者如衡

占索隱宋均云責在后黨娼譏東井為水事索隱元命包云東井

八星主其西曲星曰鉞正義東井八星鉞一星與魁五

水衡也皆秦之分野一大星黃道所經為天之亭侯主水衡事

法令所取平也王者用法平則井星明而端列鉞一星

附井之前主伺奢淫而斬之占不欲明明與井齊鉞北

或搖動則天子用鉞於大臣月宿井有風雨之變鉞北

北河南南河正義南河三星北河三星分夾東井南北

北河北戒一曰陰門亦為胡門兩戒間三光之常道也

占以南星不見則南道不通北亦如之動搖及火守中

國兵起也又云動則胡越

為變或連近臣以結之

兩河天闕間為關梁索隱宋均云兩

河六星知逆邪言關梁之限知邪偽也正義闕丘二星

在河南天子之雙闕諸侯之兩觀亦象魏縣書之府金

火守之主兵戰闕下也

與鬼鬼祠事中白者為質

集解晉灼曰與鬼五星其中白

者為質正義與鬼五星主祠事天目也主視明察姦謀
東北星主積馬東南星主積兵西南星主積布帛西北
星主積金玉隨其變占之中一星為積尸一名質主喪
死祠祀占鬼星明大穀成不明百姓散質欲其習習不
明明則兵起大火守南北河兵起穀不登故德成衡觀
臣誅下人死之

成潢

集解晉灼曰日月五星不軌道也

傷成

集解晉灼曰賊

傷之占先成形成於鉞索隱案德成衡衡則能平物故有
德公平者先成形成於衡觀成潢為帝車舍言王者遊觀
亦先成形成於潢也傷成鉞者傷敗也言王者敗德亦先
成形成於鉞以言有敗亂則有鉞誅之形按文耀鉤則云
德成潢敗成鉞其意異也又此下文禍成井集解
井誅成質皆是東井下義總列於此也

禍成井

集解晉灼

曰東井主水事火入之一星居其旁天子且以火敗故曰禍也

誅成質

集解晉灼曰熒惑入輿鬼天質

占曰大臣有誅柳為鳥注主木草

爾雅云鳥味謂之柳孫炎云

味朱鳥之口柳其星聚也以注為柳星故主草木也正

義味丁救反一作注柳八星星七星星張六星為鶉火於

辰在午皆周之分野柳為朱鳥味天之厨宰主尚

七星

食和滋味占以順明為吉金火守之國兵大起

頸為員官主急事

索隱案宋均云頸朱鳥頸也員官嚙喉也物在嚙喉終不久留故主急事

也正義七星為頸一名天都主衣裳文繡主

張素為厨

急事以明為吉暗為凶金火守之國兵大起

主觴客處也正義張六星六為素主天厨飲食賞賚觴

客占以明為吉暗為凶

翼為羽翮主遠客

正義翼二十星軫四星

金火守之國兵大起

長沙一星轄二星合軫七星皆為鶉尾於辰在巳楚之分野翼二十二星為天樂府又主夷狄亦主遠客占明大禮樂興四夷服從則軫為車主風索隱宋均云軫四天子舉兵以罰亂者

軫為車主風

索隱宋均云軫四星居中又有二星

為左右轄車之象也軫與巽同位為風車動行疾似之也正義軫四星主冢宰輔臣又主車騎亦主風占明大則車騎用太白守之天下學校散文儒失業兵戈大興熒惑守之南方有不用命之國當發兵伐之辰星守之

徐泗有

其旁有一小星曰長沙

正義長沙一星在軫中主壽命占明主長壽子

孫昌

星星不欲明明與四星等若五星入軫星中兵大

起索隱宋均云五星主行使使動兵車亦動也

軫南眾星曰天庫樓庫有五

車車星角若益眾及不具無處車馬

西宮咸池

索隱文耀鉤云西宮白帝其精白虎正義咸池三星在五車中天潢南魚鳥之所託也金

犯守之兵起火守之有災也

曰天五潢五潢五帝車舍

索隱案元命包曰咸池主

五穀其星五者各有所職咸池言穀生於水吐秀含實主秋成故一名五帝車舍言以車載穀而販也正義五車五星三柱九星在畢東北天子五兵車舍也西北大星曰天庫主太白秦也次東北曰天獄主辰燕趙也次東曰天倉主歲衛魯也次東南曰司空主鎮楚也次西南曰卿主榮惑魏也占五車均明柱皆見則倉庫實不見其國絕食兵且起五車三柱有變各以其國占之三柱出外兵出柱入兵入柱出一月米貴三倍期二年出三月貴十倍期三年柱出不與天倉相近軍出米貴轉粟千里柱倒立尤甚火入天下旱金入兵水入水也

火入旱金兵水水中有三柱柱不具兵起

索隱謂火金水入五潢則

各致此災也宋均云不言木土者木土德星於此不為害也

奎曰封豕為溝瀆

正義

圭反十六星婁三星為降婁於辰在戌魯之分野奎天之府庫一曰天豕亦曰封豕主溝瀆西南大星所謂天命之咎亦不欲開闔無常當有白衣稱命於山谷者五星犯奎人主喪德權臣擅命不可禁者王者宗祀不潔則奎動搖若蝕蝕有光則近臣謀上之應亦庶人饑饉之厄大白守奎胡貊之憂可以伐之楚惑星守之則有水之憂連以三年填星歲星守之中國之利外國不利可以興師動

婁為聚眾

正義婁三星為苑牧養犧牲以共祭祀亦曰聚眾占動搖則眾

兵聚金火守

胃為天倉

正義胃三星昂七星畢八星為大梁於辰在酉趙之分野謂主

倉廩五穀之府也占明則天下和平五穀豐稔不然反是

其南眾星曰厓積

集解如

紫積為瘡也正義紫六星在天苑西主
積藻草者不見則牛馬暴死火守災起也
昂曰髦頭胡

星也為白衣會

正義昂七星為髦頭胡星亦為獄事明
天下獄訟平暗為刑罰濫六星明與大

星等大水且至其兵大起搖動若跳躍
者胡兵大起一星不見皆兵之憂也

畢曰罕車為邊

兵主弋獵

或呼為濁因以名星也正義畢八星曰罕車
爾雅云濁謂之畢也孫炎為掩兔之畢

為邊兵主弋獵其大星曰天高一曰邊將主四夷之尉
也星明大天下安遠夷入貢失色邊亂畢動兵起月宿
則多雨毛萇云其大星旁小星為附耳附耳搖動有讒
畢所謂掩兔也

亂臣在側

正義附耳一星屬畢大星之下次天高東南
隅主為人主聽得失伺僊過星明中國微邊

寇警移動則讒佞
行入畢國起兵

昂畢間為天街其陰陰國陽陽國解集

孟康曰陰西南坤維河山已北國陽河山已南國索隱元命包云畢為天階爾雅云大梁昴孫炎云畢昴之間日月五星出入要道若津梁正義天街三星在畢昴間主國界也街南為華夏之國街北為夷狄之國土金守胡兵參為白虎正義皆三星參三星外四星為實沉三入也於辰在申魏之分野為白虎形也

星直者是為衡石

集解孟康曰參三星者白虎宿中西直似稱衡

下有三星兌

曰罰為斬艾事

集解孟康曰在參間上小下大故曰銳晉灼曰三星少斜列無銳形正義罰亦

作伐春秋運斗樞云參伐事主斬艾

其外四星左右肩股也小三星隅置

曰觜觿為虎首主葆旅事

集解如淳曰關中俗謂桑榆尊生為葆晉灼曰葆菜也野

生曰旅今之饑民采旅生也索隱姚氏案宋均云葆守也旅猶軍旅也言佐參伐以斬除凶也正義觜子思反

觴胡規反葆音保觴為虎首主收斂葆旅事也其南葆旅野生之可食者占金木來守國易政災起也

有四星曰天厠

正義天厠四星在屏東主潤也占色

厠

下一星曰天矢矢黃則吉青白黑凶

正義天矢一星在厠南占與天厠同

其西有句曲

正義句曲音鉤

九星三處羅一曰天旗

正義參旗九星在參

西天旗也指麾遠近以從命者王者斬伐當理則天旗曲直理順不然則兵動於外可以憂之若明而稀則邊寇將動不然則不

二曰天苑

正義天苑十六星如環狀在畢南天子養禽獸之所稀暗則多死亡

三曰九斿

集解徐廣曰音流正義九斿九星在玉井西南天子之兵旗所以導軍進退亦領州列邦

並不欲搖動搖動則九州分散人民失業信命亦不通於中國憂金火守之亂起也

其東有大星

曰狼狼角變色多盜賊

正義狼一星參東南狼為野將主侵掠占非其處則人相食色

黃白而明吉赤角兵起金火守亦如之

下有四星曰弧直狼

正義弧九星在狼東南天

之方也以伐叛懷遠又主備賊盜知姦邪者弧矢向狼動移多盜明大變色亦如之矢不直狼多盜引滿則天下盡狼比地有大星曰南極老人老人見治安不見兵也

起常以秋分時候之于南郊附耳入畢中兵起

焦解晉灼曰比

地近地也正義老人一星在弧南一曰南極為人主壽命延長之應常以秋分之曙見於景春分之夕見於丁見則國長命故謂之壽昌天下安寧不見人主憂也

北宮玄武

索隱文耀鉤云北宮黑帝其精玄武爾雅云玄枵虛也又云北陸虛也解者以陸為道孫

炎曰陸中也北方之宿中也正義南斗六星牽牛六星並北宮玄武之宿

虛危

正義虛二星危三星為玄

枵於辰在子齊之分野虛主死喪哭泣事又為邑居廟堂祭祀禱祝之事亦天之冢宰主平理天下覆藏萬物

占動則有死喪哭泣之應火守則天子將兵水守則人饑饉金守臣下兵起危為宗廟祀事主天府天市架屋

占動則有土功火守天下兵水守下謀上也

危為蓋屋

索隱宋均云危上一星高旁兩星隋下似

手蓋屋也正義蓋屋二星在危南主天子所居宮室之官也占金火守入國兵起字彗尤甚危為架屋蓋屋自

有星恐文誤也

虛為哭泣之事

索隱姚氏案荊州占以為其宿二星南星主哭泣虛中六星不

欲明明則有大喪也

其南有眾星曰羽林天軍

正義羽林天軍三三而聚散在

星壁南天軍也亦天宿衛主兵革不見天下亂金火水入軍起也

軍西為壘或曰鉞

正義

壁陳十三星橫列在營室南天軍之垣壁占五星入皆兵起將軍死也旁有一大星為北

落北落若微亡軍星動角益希及五星犯北落入軍軍

起火金水尤甚火軍憂水患木土軍吉

集解駟案漢書音義曰木星土

星入北落則吉也正義北落師門一星在羽林西南天軍之門也長安城北落門以象北也主非常以候兵占

明則軍安微弱則兵起金火守有兵為虜犯塞土木則吉危東六星兩兩相比曰司

空正義比音鼻比近也危東兩兩相比者是司命等星也司空唯一星耳又不在危東恐命字誤為空也司

命二星在虛北主喪送司祿二星在司命北主官司危二星在司祿北主危亡司非二星在危北主僊過皆冥

司之職占大為營室為清廟曰離宮閣道

索隱元命包云營室十星

君憂常則吉也

埏陶精類始立紀綱包物為室又爾雅云營室謂之定郭璞云定正也天下作宮室皆以營室中為正也荊州占云閭道王良旗也有六星

漢中四星曰天駟

索隱元命包云漢中四星曰駟一曰天駟

也

旁一星曰王良王良策馬車騎滿野

索隱春秋合誠圖云王良主天

馬也正義王良五星在奎北河中天子奉御官也其動策馬則兵騎滿野客星守之則津橋不通金火守入皆兵之憂也策一星在王良前主天子僕也占以動搖移易在王良前或居馬後則為策馬策馬而兵動也按豫章周騰字叔達南昌人為侍御史桓帝當南郊平明應出騰仰觀曰夫王者象星今宮中星及策馬星悉不動上明日必不出至四

旁有八星絕漢曰天潢天潢旁江

更皇太子卒遂止也

星江星動人涉水

索隱元命包曰潢主河渠所以度神通四方宋均云天潢天津也津湊也

主計度也正義天江四星在尾北主太陰也
不欲明明而動水暴出其星明大水不禁也
杵白四星

在危南

正義杵白三星在丈人星旁主軍糧占正下直
白吉與白不相當軍糧絕也白星在南主春其

占覆則歲大饑
仰則大熟也

匏瓜有青黑星守之魚鹽貴

索隱荊州
占云匏瓜

一名天雞在河鼓東匏瓜明則歲大熟也正義匏音白
包反匏瓜五星在離珠北天子果園占明大光潤歲熟
不則包果之實不
登客守魚鹽貴也
南斗為廟正義南斗六
星在南也
其北建星建

星者旗也

正義建六星在斗北臨黃道天之都闕也斗
建之間七曜之道亦主旗輅占動搖則人勞

不然則不月暈蛟龍見牛馬疫月五星
犯守大臣相謀為闕梁不通及大水也
牽牛為犧牲正義

牽牛為犧牲亦為闕梁其北二星一曰即路一曰聚火
又上一星主道路次二星主闕梁次三星主南越占明

大關梁通不明不通天下牛
瘦死移入漢中天下乃亂也
其北河鼓河鼓大星上將

左右左右將

索隱爾雅云河鼓謂之牽牛孫炎云河鼓之旗十二星在牽牛北故或名河鼓為牽

牛也正義河鼓三星在牽牛北主軍鼓蓋天子三將軍
中央大星大將軍其南左星左將軍其北右星右將軍
所以備關梁而拒難也占明大光潤將軍吉動搖差戾
亂兵起直將有功曲則將失計也自昔傳牽牛織女七
月七日相
見此星也
婺女
索隱爾雅云須女謂之務女或作婺字
牽牛須女皆為星紀於辰在丑越之分野而斗牛為吳
之分野也須女賤妾之稱婦職之卑者主布帛裁製嫁
娶占水守之萬物不成火守布帛貴
人多死土守有女喪金守兵起也
其北織女織女天

女孫也

集解徐廣曰孫一作名索隱荊州占云織女一
名天女天子女也正義織女三星在河北天紀

東天女也主果疏絲帛珍寶占王者至孝於神明則三星俱明不然則暗而微天下女工廢明則理大星怒而角布帛踊貴不見則兵起晉書天文志云晉太史令陳卓總甘石巫咸三家所著星圖大凡二百八十三宮一千四百六十四星以為定紀今畧其昭昭者以備天官云

察日月之行以揆歲星順逆

索隱姚氏案天官占云歲星一曰應星一曰經星一

曰紀星物理論云歲行一次謂之歲星則十二歲而星一周天也正義晉灼云太歲在四仲則歲行三宿太歲在四孟四季則歲行二宿二十八十六三

四十二而行二十八宿十二歲而周天

曰東方木主春

日甲乙義失者罰出歲星

正義天官云歲星者東方木之精蒼帝之象也其色明而

內黃天下安寧夫歲星欲春不動動則農廢歲星羸縮以其舍命國所在之國不可伐可以罰人失次則民多

病見則喜其所居國人主有福不可以搖動人主怒無
光仁道失歲星順行仁德加也歲星農官主五穀天文
志云春日甲乙四時春也五常仁五事貌也
人主仁虧貌失逆時令傷木氣則罰見歲星

歲星羸縮

以其舍命國所在國不可伐可以罰人

索隱案天文志曰凡五星早出

為羸羸為客晚出為縮縮為主人五星羸縮
必有天應見杓也正義舍所止宿也命名也

其趨舍而

前曰羸

索隱趙音聚謂促也

退舍曰縮羸其國有兵不復縮其國

有憂將亡

正義將音子匠反

國傾敗其所在五星皆從而聚於

一舍其下之國可以義致天下

索隱漢高帝元年五星皆聚東井天文志云其

年歲星在東井故四星從而聚也

以攝提格歲

索隱太歲在寅歲星正月晨出東方按爾雅歲

在寅為攝提格李巡云言萬物承陽起故曰攝提格格起也

歲陰左行在寅歲星右

轉居丑正月與斗牽牛晨出東方名曰監德

索隱歲星在寅正月

展見東方之名已下皆出石氏星經文云星在斗牽牛失次應見於杓也漢書天文志則載甘氏及太初星厯所在之宿色蒼蒼有光其失次有應見柳歲早水晚旱不同也

歲星出東行十二度百日止反逆行逆行八度百日

復東行歲行三十度十六分度之七率日行十二分度

之一十二歲而周天出常東方以晨入於西方用昏單

闕歲

索隱在卯也歲星二月晨出東方爾雅云卯為單闕李巡云陽氣推萬物而起故曰單闕單盡也闕

止也 歲陰在卯星居子以二月與婺女虛危晨出曰降入

索隱即歲星二月晨見東方之名其餘準此

大有光其失次有應見張名曰

降入其歲大水執徐歲

索隱爾雅辰為執徐李巡云伏蟄之物皆振舒而出故曰執徐

執蟄也徐舒也

歲陰在辰星居亥以三月居與營室東壁晨出

曰青章青青甚章其失次有應見軫曰青章歲早早晚

水大荒駱歲

索隱爾雅云在巳為大荒駱姚氏云言萬物皆熾盛而大出霍然落落故曰荒駱也

歲陰在巳星居戌以四月與奎婁胃昂晨出曰躔躔集解

徐廣曰一曰路嶂索隱天文志作路踵字詁云踵今作躔也正義躔白邊反躔之勇反

熊熊赤色

有光其失次有應見亢敦牂歲

索隱爾雅云在午為敦牂孫炎云敦盛也牂壯

也言萬物盛壯

韋昭云敦音頓 歲陰在午星居酉以五月與胃昴畢晨

出曰開明

集解徐廣曰一曰天津索隱天文志作啟明

炎炎有光

正義炎正義炎鹽驗反 偃

兵唯利公王不利治兵其失次有應見房歲早早晚水

叶洽歲

索隱爾雅云在未為叶洽李巡云陽氣欲化萬物故曰協洽協和也洽合也

歲陰在

未星居申以六月與觜觿

正義觜子斯反觿胡規反

參晨出曰長列

昭昭有光利行兵其失次有應見箕涿灘歲

索隱爾雅云在申為

涿灘李巡云涿灘物吐秀傾奎之貌涿他昆反灘他丹反

歲陰在申星居未以七月

與東井與鬼晨出曰大音昭昭白其失次有應見牽牛

作鄂歲

索隱爾雅在酉為作鄂李巡云作鄂皆物芒枝起之貌鄂音愕案下文云作作有芒則李巡解

亦近天文志作諤音而恪反與史記及爾雅並異

歲陰在酉星居午以八月與

柳七星張晨出曰為長王作作有芒國其昌熟穀其失

次有應見危曰大章有旱而昌有女喪民疾閹茂歲

索隱

爾雅云在戌曰閹茂孫炎云萬物皆蔽冒故曰閹茂閹蔽也茂冒也天文志作掩茂

歲陰在戌星

居己以九月與翼軫晨出曰天睢

索隱劉氏音吁唯反

白色大明

其失次有應見東壁歲水女喪大淵獻歲

索隱爾雅云在亥為大淵

獻孫炎云淵深也大獻萬物於深謂蓋藏之於外也

歲陰在亥星居辰以十月與

角亢晨出曰大章

集解徐廣曰一曰天皇索隱天文志亦作天皇

蒼蒼然星若

躍而陰出旦是謂正平起師旅其率必武其國有德將

有四海其失次有應見婁困敦歲

索隱爾雅在子為困敦孫炎云困敦混沌

也言萬物初萌混沌於黃泉之下

歲陰在子星居卯以十一月與氐房

心晨出曰天泉玄色甚明江池其昌不利起兵其失次

有應在昴赤奮若歲

索隱爾雅云在丑為赤奮若李巡云言陽氣奮迅若順也

歲陰

在丑星居寅以十二月與尾箕晨出曰天皓

索隱音昊漢志亦作

昊 默然黑色甚明

索隱 默音烏閑反

其失次有應見參當居不

居居之又左右搖未當去去之與他星會其國凶所居

久國有德厚其角動乍小乍大若色數變人主有憂其

失次舍以下進而東北三月生天棓長四尺末兑

索隱 天文

志此皆甘氏星經文而志又兼載石氏此皆不取石氏名申甘氏名德正義棓音蒲講反歲星之精散而為天

槍天棓天衝天猾國皇天撓及登天荆真若天據天垣蒼棓皆以應凶災也天棓者一名覺星本類星末銳長

四丈出東北方西方進而東南三月生彗星長二丈類

其出則天下兵爭也

彗 正義天彗者一名掃星本類星末類彗小者數寸長長或竟天而體無光假日之光故夕見則東指晨見

則西指若日南北皆隨日光而指光芒所及為退而西災變見則兵起除舊布新彗所指之處弱也

北三月生天攬長四丈末兌

集解韋昭曰攬音參差之參正義攬楚咸反天攬者

在西南長四丈銳京房云天攬為兵赤地千里枯骨籍籍天文志云天攬主兵亂也

退而西南三

月生天槍長數丈兩頭兌

正義槍楚行反天槍者長數丈兩頭銳出西南方其見不

過三月必有破國亂君伏死其辜天文志云孝文時天槍夕出西南占曰為兵喪亂其六年十一月匈奴入上郡雲中漢起兵以衛京師也謹視其所見之國不可舉事用兵其出

如浮如沈其國有土功如沈如浮其野亡色赤而有角

其所居國昌迎

集解徐廣曰迎一作御

角而戰者不勝星色赤黃

而沈所居野大穰

正義穰人羊反豐熟也

色青白而赤灰所居野

有憂歲星八月其野有逐相與太白

鬪

集解韋昭曰其星相擊為鬪

其

野有破軍歲星一曰攝提曰重華曰應星曰紀星營室

為清廟歲星廟也

察剛氣以處熒惑

集解徐廣曰剛一作罰索隱案姚氏引廣雅熒惑謂之執法天官占云營

惑方伯象司察妖孽則徐云察罰氣為是春秋緯文耀

鉤云赤帝燥怒之神為熒惑位南方禮失則罰出晉灼

云常以十月入太微受制而出

曰南方火主夏日丙丁

行列宿司無道出入無常也

禮失罰出熒惑失行是也出則有兵入則兵散以

其舍命國熒惑熒惑為勃亂殘賊疾喪饑兵

集解徐廣曰以下云

熒惑為理外則理兵內則理政正義天官占云熒惑為執法之星其行無常以其舍命國為殘賊為疾為喪為饑為兵環統勾曲芒角動搖乍前乍後其殃逆甚熒惑主死喪大鴻臚之象主甲兵大司馬之義伺驕奢亂孽執法官也其精為風伯
惑童兒歌謠嬉戲也 反道二舍以上居之三月有殃

五月受兵七月半亡地九月太半亡地因與俱出入國

絕祀居之殃還至雖大當小

索隱案還音旋旋疾也若熒惑反道居其舍所致殃

禍速疾則雖大反小

久而至當小反大

索隱久謂行遲也如此禍小反大言久腊毒也

其

南為丈夫北為女子喪

索隱宋均云熒惑守輿鬼南為大夫受其咎北則女子受其凶

也

若角動繞環之及乍前乍後左右殃益大與他星鬪

正義凡五星鬪皆為戰鬪兵不在外則為內亂鬪謂光芒相及

光相逮為害不相逮不

害五星皆從而聚于一舍其下國可以禮致天下

正義三星

若合是謂驚立絕行其國外內有兵與喪人民饑乏改立侯王四星若合是為太陽其國兵喪暴起君子憂小人流五星若合是謂易行有德者受慶奄有四方無德者受殃乃以死亡也

法出東行十六

舍而止逆行二舍六旬復東行自所止數十舍十月而

入西方伏

集解晉灼曰伏不見

行五月出東方其出西方曰反明

主命者惡之東行急一日行一度半其行東西南北疾

也兵各聚其下用戰順之勝逆之敗熒惑從太白軍憂
離之軍却出太白陰有分軍行其陽有偏將戰當其行
太白逮之破軍殺將索隱宋均云太白宿主軍來衝拒也其入守犯太微
集隱孟康曰犯七寸已內光芒相及也
韋昭曰自下觸之曰犯居其宿曰守
惡之心為明堂熒惑廟也謹候此

厯斗之會以定填星之位

索隱晉灼曰常以甲辰之元始建斗歲行一宿二十八歲

而周天廣雅曰填星一名地侯文耀鉤曰填黃帝含樞紐之精其體旋璣中宿之分也

曰中央土

主季夏日戊己黃帝主德女主象也歲填一宿其所居

國吉未當居而居若已去而復還還居之其國得土不

乃得女若當居而不居既已居之又西東去其國失土

不乃失女不可舉事用兵其居久其國福厚易福薄

集解

徐廣曰易猶輕速也

其一名曰地侯主歲歲行十二度百十二分

度之五日行二十八分度之一二十八歲周天其所居

五星皆從而聚于一舍其下之國可重致天下

正義重音逐隴

反言五星皆從填星其下之國倚重而致天下以填主土故也

禮德義殺刑盡失而填

星乃為之動搖贏為王不寧其縮有軍不復填星其色

黃九芒音曰黃鍾宮其失次上二三宿曰贏有主命不成不乃大水失次下二三宿曰縮有后戚其歲不復不

乃天裂若地動斗為文太室填星廟天子之星也木星

與土合為內亂饑主勿用戰敗水則變謀而更事火為

旱金為白衣會

正義星經云凡五星木與土合為內亂饑與水合為變謀更事與火合為饑為

旱與金合為白衣會也

若木金在南曰牝牡年穀熟金在北歲偏

無索隱晉灼曰歲陽也太白陰也故曰牝牡正義星經云金在南木在北名曰牝牡年穀大熟金在北木在

南其年或有或無

火與水合為燁與金合為鑠為喪皆不可舉

事用兵大敗土為憂主孽卿

集解晉灼曰火入水故曰

填星合也正義焯忽內反星經凡五星火與水合為焯用兵舉事大敗與金合為鏹為喪不可舉事用兵從軍為憂離之軍却與土合為憂主孽卿與木合饑戰敗也索隱文耀鉤云水土合則成鏹治鏹治成則火興火興

則土之子焯金成銷鏹金鏹則土無子無子輔父則益妖孽故子憂也

大饑戰敗為北軍

正義為北軍北也凡軍敗曰北

軍困舉事大敗土與水合穰而擁闕義

擁於拱反闕烏葛反

有覆軍

集解徐廣曰或云木火土三星若合是謂驚立絕行

其國不可

舉事出亡地入得地金為疾為內兵亡地三星若合其宿地國外內有兵與喪改立公王四星合兵喪並起君

子憂小人流五星合是謂易行有德受慶改立大人奄

有四方子孫蕃昌無德受殃若亡五星皆大其事亦大

皆小事亦小蚤出者為羸羸者為客晚出者為縮縮者

為主人必有天應見於杓星同舍為合相凌為闕

集解孟康

曰凌相冒占過也韋昭曰突掩為凌

七寸以內必之矣

索隱韋昭云必有禍也

五星

色白圜為喪旱赤圜則中不平為兵青圜為憂水黑圜

為疾多死黃圜則吉赤角犯我城黃角地之爭白角哭

泣之聲青角有兵憂黑角則水意

集解徐廣曰一作志

行窮兵之

所終五星同色天下偃兵百姓寧昌春風秋雨冬寒夏暑動搖常以此填星出百二十日而逆西行西行百二十日反東行見三百三十日而入入三十日復出東方太歲在甲寅鎮星在東壁故在營室

察日行以處位太白

索隱太白辰出東方曰啟明故察日行以處太白之位韓詩云太白

晨出東方為啟明昏見西方為長庚又孫炎注爾雅亦以為晨出東方高三丈命曰啟明昏見西方高三舍命曰太白正義晉灼云常以正月甲寅與熒惑晨出東方二百四十日而入又出西方二百四十日而入八三十日而復出東方出以寅戌入以丑未天官占云太白者西方金之精白帝之子三公大將軍之象也一名殷

星一名大正一名熒星一名官星一名梁星一名滅星
一名大翼一名大衰一名大輿徑一百里天文志云其

日庚辛四時秋也五常義也五事言也人主義虧言失
逆時令傷金氣罰見太白春見東方以晨秋見西方以

也曰西方秋司兵月行及天矢

正義太白五芒出早為月蝕晚為天矢及彗其

精散為天秤天橋伏電大敗司姦天狗賊星天殘卒
起星是古厯星若竹彗牆星據星白翟皆以示變也日

庚辛主殺殺失者罰出太白太白失行以其舍命國其

出行十八舍二百四十日而入入東方伏行十一舍百

三十日其入西方伏行三舍十六日而出當出不出當

入不入是謂失舍不有破軍必有國君之篡其紀上元

正義其紀上元是星古
歷初起上元之法也

以攝提格之歲與營室晨出東

方至角而入與營室夕出西方至角而入與角晨出入
畢與角夕出入畢與畢晨出入箕與畢夕出入箕與箕
晨出入柳與箕夕出入柳與柳晨出入營室與柳夕出
入營室凡出入東西各五為八歲二百二十日

集解徐廣曰一

云三十
二日

復與營室晨出東方其大率歲一周天

索隱案上元是

古歷之名言用上元紀歷法則攝提歲而太白與營室
晨出東方至角而入與營室夕出西方至角而入凡出
入東西各五為八歲二百二十日復其始出東方行遲
與營室星出東方大率歲一周天也

率日半度一百二十日必逆行一二舍上極而反東行
行日一度半一百二十日入其庫近日曰明星柔高遠
日曰大器

集解徐廣曰
器一作變

剛其始出西行疾率日一度半

百二十日上極而行遲日半度百二十日旦入必逆行
一二舍而入其庫近日曰太白柔高遠日曰大相剛出
以辰戌入以丑未當出不出未當入而入天下偃兵兵
在外入未當出而出當入而不入下起兵有破國其當
期出也其國昌其出東為東入東為北方出西為西入

西為南方所居久其鄉利疾

集解蘇林曰疾過也

其鄉凶出西逆

行至東正西國吉出東至西正東國吉其出不經天經

天天下草政

索隱孟康曰謂出東入西出西入東也太

經天又晉灼曰日陽也日出則星沒太白晝見午上為經天也

小以角動兵起始出大

後小兵弱出小後大兵強出高用兵深吉淺凶庫淺吉

深凶日方南金居其南日方北金居其北曰贏

正義鄭玄云方

猶向也謂晝漏半而置土圭表陰陽審其南北也影短於土圭謂之日南是也是地於日為近南也長於土圭謂之日北是地於日為近北也凡日影於地千里而差一寸周禮云日南則影短多暑日北則影長多寒孟康

云金謂太白也影日中之影也侯王不寧用兵進吉退凶日方南金居

其北日方北金居其南曰縮侯王有憂用兵退吉進凶
用兵象太白太白行疾疾行遲遲行角敢戰動搖躁躁

園以靜靜順角所指吉反之皆凶出則出兵入則入兵

赤角有戰白角有喪黑園角憂有水事青園小角憂有

木事黃園和角有土事有年

正義太白星園天下和平
若芒角有土事有年謂豐

熟其已出三日而復有微入入三日乃復盛出是謂奕

集解晉灼曰奕退之不
進索隱奕音奴亂反

其下國有軍敗將北其已入三

日又復微出出三日而復盛入其下國有憂師有糧食

兵草遺人用之

正義遺唯季反

卒雖衆將為人虜其出西失行

外國敗其出東失行中國敗其色大圓黃渾

音澤

可為好

事其圓大赤兵盛不戰太白白比狼赤比心黃比參左

肩蒼比參右肩黑比奎大星

正義比卑耳反下同比類也晉書天文志云凡五星

有色大小不同各依其行而應時節色變有類凡青比參左肩赤比心大星黃比參右肩白比狼星黑比奎大星不失本色而應其四時者吉

五星皆從太白而聚乎

色害其行凶也參色林反下同

一舍其下之國可以兵從天下

正義晉書天文志云凡五星所出所行所直之

辰其國為得位者歲星以德熒惑為禮鎮星有福太白
兵強辰陰陽和所行所直之辰順其色而角者勝其色

害者敗居實有得居虛無得也

居實有得也居虛無得

色勝位行勝色行得盡勝之

也索隱實謂星所合居行勝色集解晉灼曰太白行得度者勝色也正義勝音

升剝反色勝位有位勝無位有色勝無色行得盡勝之

下同

集解晉灼曰行應天度唯有色得位行出而留桑榆間

盡勝之行重而色位輕星經得字作德

集解晉灼曰行遲而下也凡望雲疾其下國正義疾漢書作病也

氣平望在桑榆上者餘二千里

上而疾未盡其日過參天集解晉灼曰三分天過其一此在戌酉之間疾其

對國

集解孟康曰謂出東入西出西入東

上復下下復上有反將其八月

將僂金木星合光其下戰不合兵雖起而不鬪合相毀
野有破軍出西方昏而出陰陰兵彊暮食出小弱夜半
出中弱雞鳴出大弱是謂陰陷於陽其在東方乘明而
出陽陽兵之彊雞鳴出小弱夜半出中弱昏出大弱是
謂陽陷於陰太白伏也以出兵兵有殃其出卯南南勝
北方出卯北北勝南方正在卯東國利出酉北北勝南
方出酉南南勝北方正在酉西國勝其與列星相犯小
戰五星大戰其相犯太白出其南南國敗出其北北國

敗行疾武不行文色白五芒出蚤為月蝕晚為天矢及
彗星將發其國出東為德舉事左之迎之吉出西為刑
舉事右之背之吉反之皆凶太白光見景戰勝晝見而
經天是謂爭明彊國弱小國彊女主昌亢為疏廟太白
廟也太白大臣也其號上公其他名殷星太正營星觀
星宮星明星大衰大澤終星大相天浩序星月緯大司
馬位謹候此

察日辰之會以治辰星之位

索隱即正四時以治辰星之位也皇甫謐曰辰星一

名氐星或曰鉤星元命包曰北方辰星水生物布其紀
故辰星理四時宋均曰辰星正四時之法得與北辰同
名也正義晉灼曰常以二月春分見奎婁五月夏至見
東井八月秋分見角亢十一月冬至見牽牛出以辰戌
入以丑未二旬而入晨候
之東方夕候之西方也
曰北方水太陰之精主冬日

壬癸刑失者罰出辰星

正義天官占云辰星北水之精黑帝之子宰相之祥也一名細

極一名鉤星一名靈星一名伺祠徑一百里亦偏將廷尉象也天文志云其日壬癸四時冬也五常智也五事

聽也人主智虧聽失逆時令傷水氣則罰見辰星也

以其宿命國是正四時仲春

春分夕出郊奎婁胃東五舍為齊仲夏夏至夕出郊東
井輿鬼柳東七舍為楚仲秋秋分夕出郊角亢氐房東

四舍為漢仲冬冬至晨出郊東方與尾箕斗牽牛俱西為中國其出入常以辰戌丑未其蚤為月蝕晚為彗星

及天矢

集解孟康曰辰星月相凌不見者則所蝕也索隱宋均云星辰與月同精月為大臣先期而出

是躁也失則當誅故月蝕者所以為災祥也辰星陰也彗亦陰陰謀未成故晚出也張晏曰彗所以除舊布新其時宜效不效為失

正義效見也言宜見不見為失罰之也

追兵在外不

戰一時不出其時不和四時不出天下大饑其當效而出也色白為旱黃為五穀熟赤為兵黑為水出東方大而白有兵於外解當在東方其赤中國勝其西而赤外

國利無兵於外而赤兵起其與太白俱出東方皆赤而
角外國大敗中國勝其與太白俱出西方皆赤而角外
國利五星分天之中積於東方中國利積於西方外國
用者利五星皆從辰星而聚於一舍其所舍之國可以
法致天下辰星不出太白為客其出太白為主出而與
太白不相從野雖有軍不戰出東方太白出西方若出
西方太白出東方為格野雖有兵不戰

索隱謂辰星出西方辰水也太

白出東方太白金也水生金母子不相從故野有軍不戰今母子各出一方故為格格謂不同故野雖有兵

不戰也 失其時而出為當寒反溫當溫反寒當出不出是

謂擊卒兵大起其入太白中而上出破軍殺將客軍勝

下出客亡地辰星來抵太白太白不去將死正旗上出

破軍殺將客勝下出客亡地視旗所指以命破軍

索隱案旗

蓋太白芒角似旌旗正義旗星名有九星言辰星上則破軍殺將客勝也 其繞環太白若與

鬪大戰客勝免過太白

索隱案廣雅云辰星謂之免星則辰星之別名免或作免也

間可滅劍

集解蘇林曰滅音函函容也其間可容一劍索隱案蘇所說則滅字本有函音故字從咸

也 小戰客勝免居太白前軍罷出太白左小戰摩太白

有數萬人戰主人吏死出太白右去三尺軍急約戰青

角兵憂黑角水赤行窮兵之所終免七命曰小正辰星

天攬安周星細爽能星鉤星

索隱謂免星凡有七名命者名也小正一也辰星二

也天攬三也安周星四也細爽五也能星六也鉤星七也

其色黃而小出而易處天

下之文變而不善矣免五色青圜憂白圜喪赤圜中不

平黑圜吉赤角犯我城黃角地之爭白角號泣之聲其

出東方行四舍四十八日其數二十日而反入於東方

其出西方行四舍四十八日其數二十日而反入於西

方其一候之營室角畢箕柳出房心間地動辰星之色
春青黃夏赤白秋青白而歲熟冬黃而不明即變其色
其時不昌春不見大風秋則不實夏不見有六十日之
旱月蝕秋不見有兵春則不生冬不見陰雨六十日有
流邑夏則不長七星為負官辰星廟蠻夷星也

角亢氐兗州房心豫州尾箕幽州斗江湖牽牛婺女揚
州虛危青州營室至東壁并州奎婁胃徐州昴畢冀州

觜鴈參益州

正義括地志云漢武帝置十三州改梁州
為益州廣漢廣漢今益州咎縣是也分今

河內上黨雲中然按星經益州魏地畢
皆參之分今河內上黨雲中是未詳也

東井輿鬼雍州

柳七星張三河翼軫荊州

兩軍相當日暈

集解如淳曰暈讀曰運

暈等力鈞厚長大有勝薄

短小無勝重抱大破無抱為和背不和為分離相去直
為自立立侯王指暈若曰殺將負且戴有喜園在中中
勝在外外勝青外赤中以和相去赤外青中以惡相去
氣暈先至而後去居軍勝先至先去前利後病後至後
去前病後利後至先去前後皆病居軍不勝見而去其

發疾雖勝無功見半日以上功大白虹屈短

集解李奇曰屈或為

尾也韋昭曰短而直

上下兑有者下大流血日暈制勝近期三十

日遠期六十日其食食所不利復生生所利而食益盡為主位以其直及日所宿加以日時用命其國也

月行中道安寧和平陰間多水陰事外北三尺陰星北

三尺

索隱案中道房室星之中間也房有四星若人之房三間有四表然故曰房南為陽間北為陰間則

中道房星之中間也故房是日月五星之常行道然黃道亦經房星若月行得中道故陰陽和平若行陰間多陰事陽間則人主驕恣若歷陰星陽星之南迫太陰太陽之道則有大水若兵及大旱若喪也太陽亦在陽間

之南各三尺也

太陰大水兵陽間驕恣陽星多暴獄太陽大旱

喪也

索隱太陰太陽皆道也月行近之故有水旱兵喪也

角天門十月為四月十

一月為五月十二月為六月水發近三尺遠五尺

索隱謂月

行八角與天門若十月犯之當為來

犯四輔輔臣誅

索隱年四月成災十一月則主五月也

案謂月犯房星也四輔房四

行南北河以陰陽言旱水

星也房以輔心故曰四輔也

兵喪

正義南河三星北河三星若月行北河以陰則水兵南河以陽則旱喪也

月蝕歲星其

宿地饑若亡熒惑也亂填星也下犯上太白也彊國以

戰敗辰星也女亂

正義孟康云凡星八月見月中為星蝕月月掩星星滅為月蝕星也食

大角

集解徐廣曰一云食于大角正義大角一星在兩攝提間人君之象也

主命者惡之

心則為內賊亂也列星其宿地憂

索隱謂月蝕列星二十八宿當其分地有

憂憂謂兵及喪也

月食始日五月者六六月者五五月復六六

月者一而五月者凡五百一十三月而復始

索隱始日謂歷始起

之日也依此文計唯有一百二十一月與元數甚為懸校既無太初歷術不可得而推定今以漢志三統歷法計則五月者七六月者一又五月者一六月者五五月者一凡一百三十五月而復始耳或術家各異或傳寫錯謬故此不同

故月蝕常也日蝕為不臧也甲乙四海

無以明知也

之外日月不占

集解晉灼曰海外遠甲乙日時不以占候

丙丁江淮海岱也

戊巳中州河濟也庚辛華山以西壬癸恒山以北日蝕

國君月蝕將相當之

國皇星

正義國皇星者大而赤類南極老人去地三大如炬火見則內外有兵喪之難

大而赤

集解

孟康曰歲星之精散所為也五星之精散為六十四變記不盡

狀類南極

集解徐廣曰南極老

人所出其下起兵兵彊其衝不利

昭明星

索隱案春秋合誠圖云赤帝之精象如太白七芒釋名為筆星氣有一枝末銳似筆亦曰日華

星大而白無角乍上乍下

集解孟康曰形如三足机机上有九擘上向熒惑之精

所出國起兵多變

五殘星

索隱孟康云星表有青氣如暈有毛填星之精也正義五殘一名五鋒出正東東方之分野狀

類辰星去地可六七丈見則五穀毀敗之徵大臣誅亡之象

出正東東方之野其星

狀類辰星去地可六丈大

集解徐廣曰大一作六

賊星

集解孟康曰形如彗九尺太白之精正義天賊星者一名六賊出正南南方之野星去地可六丈大

而赤數動有光出則禍合天下

出正南南方之野星去地可六丈大

而赤數動有光

司危星

集解孟康曰星大而有尾兩角熒惑之精也正義司危者出正西西方分野也大如太白去地

可六丈見則以天子不義失國而豪傑起

出正西西方之野星去地可六丈

大而白類太白

獄漢星

集解孟康曰青中赤表下有三星縱橫亦填星之精漢書天文志獄漢一名咸漢

出正

北北方之野星去地可六丈大而赤數動察之中青此四野星所出出非其方其下有兵衝不利

四鎮星所出四隅去地可四丈

地維咸光

正義四鎮星出四隅去地可四丈地維咸光星亦出四隅去地可三丈若月始出所見下

有亂者亡有德者昌也

亦出四隅去地可三丈若月始出所見下

有亂亂者亡有德者昌

燭星狀如太白

集解孟康曰星上有三彗上出亦填星之精

其出也不行見

則滅所燭者城邑亂

如星非星如雲非雲命曰歸邪

集解李奇曰邪音蛇孟康曰星有兩赤彗上向

上有益狀如氣下連星

歸邪出必有歸國者

星者金之散氣本曰火

集解孟康曰星名也

星衆國吉少則凶

漢者亦金之散氣

索隱案水生於金散氣即水氣河圖括地象曰河精為天漢也

其本

曰水漢星多多水少則旱

集解孟康曰漢河漢也水生於金多少謂漢中星

其

大經也

天鼓有音如雷非雷音在地而下及地其所往者兵發其下

天狗狀如大奔星

集解孟康曰星有尾旁有短彗下有如狗形者亦太白之精

有聲

其下止地類狗所墮及炎火

索隱炎音艷

望之如火光炎炎

衝天其下圜如數頃田處上兌者則有黃色千里破軍殺將

格澤星者

索隱格澤一音鶴釋又音格澤格胡客反

如炎火之狀黃白起地

而上下大上兌其見也不種而獲不有土功必有大害

蚩尤之旗

集解孟康曰

熒惑之精也

晉灼曰

類彗而後曲

象旗見則王者征伐四方

旬始出於北斗旁

集解徐廣曰蚩尤也旬一作營

狀如雄雞其怒青黑

象伏鼈

集解李奇曰怒當音帑晉灼曰帑雌也或曰怒色青

枉矢類大流星蛇行而倉黑望之如有毛羽然

長庚如一匹布著天

正義著音直畧反

此星見兵起

星墜至地則石也

正義春秋云星墜如雨是也今吳郡西鄉見有落星石其石天下多有也

河濟之間時有墜星

天精而見景星景星者德星也其狀無常常出於有道

之國

集解孟康曰精明也有赤方氣與青方氣相連赤方中有兩黃星青方中一黃星凡三星合為景星

索隱韋昭云精謂青朗漢書作曜亦作晬郭璞注三蒼云曜雨止無雲也正義景星狀如半月生於晦朔助月為明見則人君有德明聖之慶也

凡望雲氣

正義春秋元命包云陰陽聚為雲氣也釋名云雲猶云眾盛也氣猶餘然也有聲即無形

也仰而望之三四百里平望在桑榆上餘二千里登高

而望之下屬地者三千里雲氣有獸居上者勝

正義勝音升利

反雲雨氣相敵也兵書云雲或如雉雞臨城有城必降

自華以南氣下黑上赤嵩

高三河之郊氣正赤恒山之北氣下黑上青勃碣海岱

之間氣皆黑江淮之間氣皆白徒氣白土功氣黃車氣

乍高乍下往往而聚騎氣卑而布卒氣搏

集解如淳曰搏字也或曰

搏音徒端反

前卑而後高者疾前方而高後兌而卑者却其

氣平者其行徐前高而後卑者不止而反氣相遇者卑

勝高

索隱過音偶漢書作禺

兌勝方氣來卑而循車通者

集解車通車轍

也避漢武諱故曰通

不過三四日去之五六里見氣來高七八尺

者不過五六日去之十餘二十餘里見氣來高大餘二

大者不過三四十日去之五六十里見稍雲精白者其
將悍其士怯其大根而前絕遠者當戰青白其前低者
戰勝其前赤而仰者戰不勝

陣雲如立垣杼雲類杼

索隱姚氏案兵書云營上雲氣如織勿與戰也

雲搏

兩端兎杓雲如繩者居前亘天

索隱劉氏杓音時的反說文音丁了反許慎注

淮南云杓引也

其半半天其蜚者類闕旗故

索隱蜚音五結反亦作蜺音同

鈎

雲句曲

正義句音古候反

諸此雲見以五色合占而澤搏定

正義

崔豹古今注云黃帝與蚩尤戰於涿鹿之野常有五色雲氣金枝玉葉止於帝上有花藹之象故因作華蓋也

京房易飛候云視四方常有火雲五色見其下
賢人隱也青雲潤蔽日在西北為舉賢良也其見動

人乃有占兵必起合關其直王朔所候決於日旁日旁

雲氣人主象

正義洛書云有雲象人青衣無手在日西天子之氣

皆如其形以占

故北夷之氣如羣畜穹問

索隱鄒氏云一作方問天文志作弓字音穹蓋謂以繩為

問崇穹然而宋均云穹獸名亦異說也

南夷之氣類舟船幡旗大水處敗

軍場破國之虛下有積錢

集解徐廣曰古作泉字

金寶之上皆有

氣不可不察海旁蜃氣象樓臺廣野氣成宮闕然雲氣

各象其山川人民所聚積

正義淮南子云土地各以類生人是故山氣多勇澤氣多

瘠風氣多蟄林氣多蹇木氣多偃石氣多力險阻氣多
壽谷氣多痺丘氣多狂廟氣多仁陵氣多貪輕土多利
足重土多遜清水音小濁水音大湍水人
重中土多聖人皆象其氣皆應其類也故候息耗者

入國邑視封疆田疇之正治

集解如淳曰蔡邕云麻田曰疇

城郭室屋

門戶之潤澤次至車服畜產精華實息者吉虛耗者凶

若煙非煙若雲非雲郁郁紛紛蕭索輪囷是謂卿雲正義

卿音慶

卿雲見喜氣也若霧非霧

索隱霧音如字一音蒙又亡遺反爾雅云天氣

下地不應曰霧言蒙昧不明也

衣冠而不濡見則其域被甲而趨天雷

電蝦虹辟歷夜明者陽氣之動者也春夏則發秋冬則

藏故候者無不司之天開縣物

集解孟康曰謂天裂而見物象天開示縣象

地動圻絕

正義趙世家幽繆王遷五年代地動自樂徐以西北至平陰臺屋牆垣太平壞地圻東西

百三十步山崩及徙川塞谿垠

集解徐廣曰土垠曰垠音服駟案孟康曰谿谷也垠崩也

蘇林曰城流也

水澹澤竭地長見象城郭門閭閭臬枯橐宮廟

邸第人民所次謠俗車服觀民飲食五穀草木觀其所

屬倉府廩庫四通之路六畜禽獸所產去就魚鼈鳥鼠

觀其所處鬼哭若呼其人逢悟化言誠然

索隱悟迎也劉伯莊曰音

五故反逢悟謂相逢而驚也悟亦作逢音同化當為訛字之誤耳

凡候歲美惡謹候歲始歲始或冬至日產氣始萌臘明

日人衆卒歲一會飲食發陽氣故曰初歲正月旦王者

歲首立春日四時之卒始也

索隱謂立春日是去年四時之終卒今年之始也

四始者候之日

正義謂正月旦歲之始時之始日之始月之始故云四始言以四時之日候歲

吉凶也

而漢魏鮮

集解孟康曰人姓名作占候者

集臘明正月旦決八風

風從南方來大旱西南小旱西方有兵西北戎菽為

集解

孟康曰戎菽胡豆也為成也索隱韋昭云戎菽大豆也又郭璞注爾雅亦云胡豆與孟康同

小雨

集解

徐廣曰一趣兵成而又有小雨則其國趣兵起也

趣兵

索隱趣音促謂風從西北來則戎菽北

方為中歲東北為上歲

集解韋昭曰歲大穰

東方大水東南民有

疾疫歲惡故八風各與其衝對課多者為勝多勝少久

勝亟疾勝徐旦至食為麥食至日昃為稷昃至舖為黍

舖至下舖為菽下舖至日入為麻欲終日有雨有雲有

風有日

正義正月旦欲其終一日有風有日則一歲之中五穀豐熟無災害也

當其時者

深而多實無雲有風日當其時淺而多實有雲風無日

當其時深而少實有日無雲不風當其時者稼有敗如

食頃小敗熟五斗米頃大敗風復起有雲其稼復起各

以其時用雲色占種其所宜其雨雪若寒歲惡是日光

明聽都邑人民之聲聲宮則歲善吉商則有兵徵旱羽

水角歲惡或從正月旦比數雨

索隱比音鼻律反數音疎舉反謂以比數日以

候一歲之雨以知豐穰也

率日食一升至七升而極

集解孟康曰月一日雨民有一

升之食二日雨民有二升之食如此至七日

過之不占數至十二日日直其

月占水旱

集解孟康曰月一日雨正月水

為其環城千里內占則其為

天下候竟正月

集解孟康曰月三十日周天歷二十八宿然後可占天下正義按月列宿日風

雲有變占其國并太歲所在則知其歲豐稔水旱饑饉也

月所離列宿

索隱韋昭云離歷也日

風雲占其國然必察太歲所在在金穰水毀木饑火旱此其大經也正月上甲風從東方宜蠶風從西方若旦

黃雲惡冬至短極縣土炭

集解孟康曰先冬至三日縣土炭於衡兩端輕重適均冬

至日陽氣至則炭重夏至日陰氣至則土重晉灼曰蔡邕律歷記候鍾律權土炭冬至陽氣應黃鍾通土炭輕而衡仰夏至陰氣應蕤賓通土炭炭動鹿解角蘭根出重而衡低進退先後五日之中

泉水躍略以知日至要決暑景歲星所在五穀逢昌其

對為衝歲乃有殃

正義言暑景歲星行不失次則無災異五穀逢其昌盛若暑景歲星行而

失舍有所衝則歲乃有殃禍災變也

太史公曰自初生民以來世主曷嘗不厯日月星辰及

至五家

索隱案謂五紀歲月日星辰厯數各有一家頗學習之故曰五家也

三代

正義五家黃帝

高陽高辛唐虞堯舜也三代夏殷周也言生民以來何曾不厯日月星辰及至五帝三王亦於紹繼而明天數

陰陽

紹而明之內冠帶外夷狄分中國為十有二州仰

則觀象於天俯則法類於地天則有日月地則有陰陽
天有五星地有五行天則有列宿地則有州域三光者
陰陽之精氣本在地而聖人統理之幽厲以往尚矣所
見天變皆國殊窟穴家占物怪以合時應其文圖籍機

祥不法

正義機音機顧野王云機祥吉凶之先見也按自古以來所見天變國皆異具所說不同及家

占物怪用合時應者書其文并圖籍凶吉並不可法則故孔子論六經記異事而說其所應不書變見之蹤也

是以孔子論六經紀異而說不書至天道命不傳傳其

人不待告

正義待須也言天道性命忽有志事可傳授之則傳具大指微妙自在天性不須深告語

也告非其人雖言不著

正義著作慮反著明也言天道性命告非其人雖為言說不得

著明微妙曉其意也

昔之傳天數者高辛之前重黎

正義左傳云蔡墨曰少昊

氏之子曰黎為火正號祝融即火行之官知天數

於唐虞義和

正義義氏和氏掌天地四時之

官有夏昆吾

正義昆吾陸終之子虞翻云昆吾名樊為己姓封昆吾世本云昆吾衛是也

殷

商巫咸

正義巫咸殷賢臣也本吳人冢在蘇州常熟海陽山上子賢亦在此也

周室史佚

莒弘

正義史佚周武王時太史尹佚也莒弘周靈王時大夫也

於宋子韋鄭則裨竈

正義裨竈鄭大夫也

在齊甘公

集解徐廣曰或曰甘公名德也本是魯人正義七錄云楚人戰國時

作天文星占八卷

楚唐昧

正義莫葛反

趙尹臯魏石申

正義七錄云石申魏人戰

國時作天文八卷也

夫天運三十歲一小變百年中變五百載大

變三大變一紀三紀而大備此其大數也為國者必貴

三五

索隱三五謂三十歲一小變五百歲一大變

上下各千歲然後天人之

際續備太史公推古天變未有可考于今者蓋畧以春

秋二百四十二年之間

正義謂從隱公元年至哀公十四年獲麟也隱公十一年桓公

十八年莊公三十二年閔公二年僖公三十三年文公

十八年宣公十八年成公十八年襄公三十一年昭公

三十二年定公十五年哀公日蝕三十六正義謂隱公

十四年凡二百四十二年也

已桓公三年七月壬辰朔十七年十月朔莊公十八年

三月朔二十五年六月辛未朔二十六年十二月癸亥

朔三十年九月庚午朔僖公五年九月戊申朔十二年

三月庚午朔十五年五月朔文公元年二月癸亥朔十

五年六月辛卯朔宣公八年七月庚子朔十年四月丙

辰朔十七年六月癸卯朔成公十六年六月丙辰朔十

七年七月丁巳朔襄公十四年二月乙未朔十五年八

月丁巳朔二十年十月丙辰朔二十一年九月庚戌朔

十月庚辰朔二十三年二月癸酉朔二十四年十月甲

子朔八月癸巳朔二十一年十二月乙亥朔昭公七年

四月甲辰朔十五年六月丁巳朔十七年六月甲戌朔
二十一年七月壬午朔二十二年十二月癸酉朔二十

四年五月乙未朔三十年十二月辛亥朔定公五年三

月辛亥朔十二年十一月丙寅朔十五年八月庚辰朔

凡蝕三 **彗星三見** 正義謂文公十四年七月有星入于

十六也 北平昭公十七年冬有星孛于大辰

哀公十三年有 **宋襄公時星隕如雨** 正義謂僖公十五

星孛于東方 年正月戊申朔隕

石于宋 **天子微諸侯力政** 集解徐廣 **五伯代興** 正義趙

五也 一作征 **五伯代興** 正義趙

子云齊桓晉文秦 **更為主命自是之後衆暴寡大并小**

穆宋襄楚莊也

秦楚吳越夷狄也為彊伯 正義秦祖非子初邑於秦地

在西戎楚子嚮熊始封丹陽

荆蠻吳太伯居吳周章因封吳號勾吳越祖少康之子

初封於越以守禹祀地稱東越皆戎狄之地故言夷狄

也後秦穆楚莊吳閭閻越勾踐皆得封為伯也

田氏篡齊

正義周安王二十三年康公卒田和并齊

而立為齊侯

三家分晉

正義周安王二十六年魏武侯韓文侯趙敬侯共滅晉靜而三分其地

並為戰國爭於攻取兵革更起城邑數屠因以饑饉疾

疫焦苦臣主共憂患其察機祥候星氣尤急近世十二

諸侯七國相王

正義王于放反謂漢孝景帝三年吳王濞楚王戊趙王遂濟南王辟光淄川王

賢膠東王雄渠也

言從衡者繼踵而臯唐甘石因時務論其書

傳故其占驗凌雜米鹽

正義凌雜交亂也米鹽細碎也言臯唐甘石等因時務論其書

傳中災異所記錄者故其占驗交亂細碎其語在漢書五行志中也

二十八舍主十二州

正義二十八舍謂東方角亢房心尾箕北方斗牛女
虛危室壁西方奎婁胃昂畢觜參南方井鬼柳星張翼
軫星經云角亢鄭之分野宛州氐房心宋之分野豫州
尾箕燕之分野幽州南斗牽牛吳越之分野揚州頭女
虛齊之分野青州危室壁衛之分野并州奎婁魯之分
野徐州胃昂趙之分野冀州畢觜參魏之分野益州東
井與鬼秦之分野雍州柳星張周之分野
分野三河翼軫楚之分野荊州也

斗秉兼之

正義言北斗所

建東十二辰兼十二州二十八宿自古所用從來久遠矣

所從來久矣秦之疆也候

在太白占於狼弧

正義太白狼弧皆西方之星故秦占候也

吳楚之疆候在

熒惑占於鳥衡

正義熒惑鳥衡皆南方之星故吳楚之占候也鳥衡柳星也一本作注張也

燕齊之疆候在辰星占於虛危

正義辰星虛危皆北方之星故燕齊占候也

宋鄭之疆候在歲星占於房心

正義歲星房心皆東方之星故宋鄭占候也

晉之疆亦候在辰星占於參罰

正義辰星參罰皆北方之星故晉占候也

及秦并吞三晉燕代自河山以南者中國

正義河黃河也山華山也

從華山及黃河以南為中國也

中國於四海內則在東南為陽

正義爾雅云九

夷八狄七戎六蠻謂之四海之內中國從河山東南為陽也

陽則日歲星熒惑填星

正義日人質反填音鎮日陽也歲星屬東方熒惑屬南方填星屬中央皆在南及東為陽也

占於街

南畢主之

正義天街二星主畢昴主國界也街南為華夏之國街北為夷狄之國則畢星主陽也

其西北則胡貉月氏諸衣旃裘引弓之民為陰

正義貉音陌氏

音支從河山西北及秦晉為陰也

陰則月太白辰星

正義月陰也太白屬西方辰星屬北

方皆在北及西為陰也

占於街北昴主之

正義天街星北為夷狄之國則昴星主之陰也

故中國山川東北流其維首在隴蜀

正義言中國山及川東北流行若南

山首在崑崙蔥嶺東北行連隴山至南山華山渡河東北盡碣石山黃河首起崑崙山渭水岷江發源出隴山

皆東北東入渤海也

尾沒于勃碣是以秦晉好用兵

集解韋昭曰秦晉西南維

之北為陰猶與胡貉引弓之民同皆好用兵

復占太白太白血主中國而胡貉

數侵掠

正義主猶領也入也星經云太白在北月在南中國敗太白在南月在北中國不敗也是狐貉

數侵掠之也

獨占辰星辰星出入躁疾常主夷狄其大經也

此更為客主人

正義更格行反下同星經云辰星不出太白為客辰星出太白為主人辰星太

白不相從雖有軍不戰辰星出東方太白出西方若辰

星出西方太白出東方為格野雖有兵不戰合宿乃戰

辰星入太白中五日及入而上出破熒惑為李外則理

軍殺將客勝不出客亡地視旗所指

兵內則理政故曰雖有明天子必視熒惑所在

索隱此案春秋

緯文耀鉤故云故曰也

諸侯更彊時留異記無可錄者秦始皇之

時十五年彗星四見久者八十日長或竟天其後秦遂

以兵滅六王并中國外攘四夷死人如亂麻因以張楚

並起三十年之間

正義謂從秦始皇十六年起兵滅韓至漢高祖五年滅項羽則三十六年

矣

兵相駘籍

集解蘇林曰駘音臺登躡也

不可勝數自蚩尤以來未

嘗若斯也項羽救鉅鹿枉矢西流山東遂合從諸侯西

坑秦人誅屠咸陽漢之興五星聚于東井平城之圍

索隱

漢高祖

月暈參畢七重

索隱天文志其占者畢昴間天之七年

為匈奴參為趙畢為邊兵是歲高祖自將兵擊匈奴至平城為冒頓所圍七日乃解則天象有若符契七重者

主七

諸呂作亂日蝕晝晦吳楚七國叛逆彗星數丈天

狗過梁野及兵起遂伏尸流血其下元光元狩蚩尤之

旗再見長則半天其後京師師四出

正義元光元年太中大夫衛青等伐

匈奴元狩二年冠軍侯霍去病等擊胡元鼎五年衛尉路博德等破南越及韓說破東越并破西南夷開十餘郡元封元年樓船將軍楊僕擊朝鮮

誅夷狄者數十年而伐胡尤甚越之

亡熒惑守斗

正義南斗為吳越之分野

朝鮮之拔星第于河戒

索隱第音

佩即孛星也天文志武帝元封之中星孛于河戒其占曰南戒為越門北戒為胡門其後漢兵擊拔朝鮮以為

樂浪玄菟郡朝鮮在海中越之象居北方胡之城也其河戒即南北河也

兵征大宛星第

招搖

正義招搖一星次北斗杓端主胡兵也占角變則兵革大行

此其犖犖大者索隱

犖音力卓反犖犖事之分明也

若至委曲小變不可勝道由是觀之未

有不先形見而應隨之者也夫自漢之為天數者星則

唐都氣則王朔占歲則魏鮮故甘石歷五星法唯獨榮

惑有反逆行逆行所守及他星逆行日月薄蝕

集解孟康曰日

月無光曰薄京房易傳曰日赤黃為薄或曰不交而蝕曰薄韋昭曰氣往迫之為薄虧毀為蝕

皆以為

占余觀史記考行事百年之中五星無出而不反逆行

反逆行嘗盛大而變色日月薄蝕行南北有時此其大

度也故紫宮

正義中宮也

房心

正義東宮也

權衡

正義南宮也

咸池

正義

西宮也

虛危

正義北宮也

列宿部星

正義五宮列宿部內之星也

此天之五

官坐位也為輕不移徙大小有差闊狹有常

集解孟康曰闊狹若

三台星相
去遠近

水火金木填星

集解徐廣曰木火土三星若合是謂驚立絕行

此五

星者天之五佐

正義言水火金木土五星佐天行德也

為經緯

正義五星行南北為

經東西為緯也

見伏有時所過行贏縮有度日變修德月變省

刑星變結和凡天變過度及占國君彊大有德者昌弱

小節詐者亡太上修德其次修政其次修教其次修禳

正下無之夫常星之變希見而三光之占亟用日月暈

適集解徐廣曰適者災變咎徵也李斐曰適見災于天劉向以為日月蝕及星逆行非太平之常自周衰以

來人事亂故天文應之遂變耳駟案孟康曰暈日旁氣也適日之將食先有黑氣之變

雲風此天

之客氣其發見亦有大運然其與政事俯仰最近大人

之符此五者天之感動為天數者必通三五

索隱三謂三辰五謂

五終始古今深觀時變察其精粗則天官備矣

蒼帝行德天門為之開

索隱謂王者行春令布德澤被天下則上應靈威仰之帝而天

門為之開以發德化也天門即左右角間也正義為於偽反下同蒼帝東方靈威仰之帝也春萬物開發東作起則天發其德化天門為之開也

赤帝行德天牢為之空

索隱謂王者行德以應火精之帝謂舉大禮封諸侯之地則是

赤帝行德夏陽主舒散故天牢為之空則人主當赦過宥罪者也正義赤帝南方赤熒怒之帝也夏萬物茂盛

功作大興則天施德惠天牢為之空虛也天牢六星在北斗魁下不對中台主秉禁暴亦貴人之牢也

黃帝行德天矢為之起

正義黃帝中央含樞紐之帝李夏萬物盛大則當大赦含養羣

也品風從西北來必以庚辛一秋中五至大赦三至小赦

白帝行德以正月二十日二十一日月暈圍常大赦載

謂有太陽也一曰白帝行德

索隱一曰二曰謂占星之家異說太史公兼記之耳

畢昴為之圍

正義白帝西方白招矩之帝也秋萬物盛成則暈圍畢昴三暮帝德乃成也

圍

三暮德乃成不三暮及圍不合德不成二曰以辰圍不

出其旬

黑帝行德天關為之動

正義黑帝北方協光紀之帝也冬萬物閉藏為之動為之開閉

也天關一星在五車南畢西北為天門日月五星所道主邊事亦為限隔內外障絕往來禁道之作違者占芒角有兵起五星守之主貴人多死也

天行德天子更立年

索隱案天謂北極紫微宮言王者當天心則北辰有光輝是行德也

若北辰有光輝則天子更立年也

不德風雨破石三能三衡者天廷也

客星出天廷有奇令

索隱上云南宮朱鳥權衡衡太微三光之廷則三衡者即太微也其

謂之三者日月五星也然斗星第六第五亦名衡又參三星亦名衡然並不為夫廷正義晉書天文志云三台主開德宣符也所以和陰陽而理萬物也三衡者北斗魁四星為璇璣杓三星為玉衡人君之象號令主也又

太微天子宮庭也太微為衡衡主平也為天庭理法平辭理也按言三台三衡者皆天帝之庭號令舒散平理也故言三台三衡言若有客星出三台三衡之庭必有奇異教令也

索隱述贊曰在天成象有同影響觀文察變其來自往天官既書太史攸掌雲物必記星辰可仰盈縮匪德應驗無爽至哉
玄監云誰欲網

史記卷二十七

史記卷二十七考證

天官書正義張衡云○此係晉書天文志所載張衡之語而正義引之監本有五列焉句有訛作育又日月運行歷示吉凶五緯纏度用告禍福四句脫去歷示吉凶五緯纏度八字今俱添改

中宮天極星索隱宣氣立精○宣監本訛作宮今改正旁三星三公或曰子屬正義主變出陰陽佐機務○出字疑化字之誤

後宮之屬也。索隱辰極橫后妃四星端。○端一本作從

臣照

按從即縱對橫而言端即端直也端與從未審孰是姑仍監本之舊

隋北端兌○

臣照

按北之當為比端之當為端兌之當

為銳索隱詳之矣唯隋字但云音他果反而未申其義蓋隋即稍稍比者斜相連也端直也端銳者直而尖也古字通用者多加以傳寫之訛遂不可曉

或曰天一正義主王者即位令諸立赤子而傳國位者

○考星經應作主王者即位及諸立太子而傳國位者

絕漢抵營室日閣道索隱又按樂汁圖徵云○樂汁圖徵緯書也監本脫徵字今添

以齊七政索隱春秋運斗樞云○樞監本訛作極今改正

又徐整長厯云○監本脫徐字今添

魁枕參首正義○

臣照

按張守節此條蓋引用天文志

參合星經為之歲久傳訛舛錯殊甚至不可讀今依

晉書改正而書其原文如左

正義枕之禁反衡斗衡也魁斗第一星也言北

方斗斗衡直當北之魁枕於參星之道北斗之杓連於龍角南斗六星為天廟丞相太宰之位主薦賢良授爵祿又主兵天機南二星魁天梁中央一星天相北二星天府庭也占斗星盛明王道和平爵祿行不然反是參主斬刈又為天獄主殺罰其中三星橫列者三將軍東主後將軍西南曰右足主偏將軍故軒轅氏占之以北曰左肩主左將軍西北曰右肩主右將軍東南曰左足應七將也中央三小星曰伐天之都尉也主戎狄之國不欲明若芒角張明與參等大臣謀亂兵起夷狄內戰七將皆明天下主兵振王道缺參失色軍散敗動搖邊候有急參左足入玉井中及金人守皆為起兵

斗為帝車索隱言是大帝乘車巡狩○監本脫言字今添

五曰司中索隱司中主左理也○左理一本作大理
貴人之牢索隱樂汁圖徵曰○監本脫徵字今添

又天理貴人牢○監本作天寶理貴人牢寶字衍今
刪

輔星明近正義排賢用佞○監本訛作用賢排佞今改
正

杓端有兩星集解更河三星○查晉書更作梗今依晉書改正

虛則開出索隱詩汜歷樞云○汜監本訛作紀今改正
又正義九星悉見則獄事繁○九監本訛作占今改正
正

又視其大小有大赦○視監本訛作見今改正
旁有兩星曰鈴○鈴監本訛作衿今改正

又索隱鈴音其炎反○監本脫鈴字今添

北一星曰牽正義占不居其所則宮門不禁居則反是也○監本作占一反不居其所衍一反二字今刪又則津梁不通宮門不禁今查津梁不通四字係下文東北曲十二星曰旗注文重出於此今亦刪

故曰攝提格正義色溫溫不明而大者人君吉○吉監本訛作恐今改正

氐為天根主疫索隱氐四星為路寢○路監本訛作露今改正

又正義房心三星為火。○火監本訛作灾今改正
尾為九子正義次三星夫人次九嬪末為妾。○監本訛
作次三星並為次九嬪末二星為妾今改正

火犯守角則有戰房心王者惡之也正義熒惑犯守箕
尾氐星自生芒角則有戰陣之事若熒惑守房心及
房心自生芒角則王者惡之也。○臣照按正義以角

為芒角之角竊謂馬遷之意指角宿而言謂熒惑犯
角星或守角星當有戰鬪若犯房心或守房心則災

及人君也考之星占亦復如是

權衡正義太微之廷也○微監本訛作尾今改正

門內六星諸侯正義諸侯五星在東井東北近北河主

刺舉戒不虞○

臣照

按舊本作東井在北河主判舉

東井北河兩星名又相離甚遠定有訛舛今據宋史
及星經知在東井東北近北河也判舉宋史作刺舉
今並改正

其內五星五帝坐○監本正義遺羣下從謀也五字今

據本書補

又白招矩○招字監本誤作昭以其所犯命之命字
監本誤作名今俱改正

權軒轅軒轅黃龍體前大星女主象旁小星御者後宮
屬正義次北一星夫人也○監本脫一字又脫右一
星大民太后宗也九字又脫后族二字今據宋史天
文志補

其西曲星曰鉞正義輿鬼五星一星為質○監本誤作

輿鬼四星為質一星今改正

又占不欲明明與井齊或搖動則天子用鉞于大臣
○監本少一明字今添

鉞北北河南南河正義南北置而為戒南河南戒一曰
陽門亦曰越門北河北戒一曰陰門亦為胡門○監
本脫南河南戒四字今添

中白者為質正義輿鬼五星主祠事天目也○監本五
訛作四目訛作田今俱改正

又欲其習習不明○監本訛作欲其沒不明今改正
禍成井集解火入之一星居其旁天子且以火敗○火
入之監本脫之字今添又一星疑應作客星

誅成質○

臣照

按本書云白者為質此云誅成質晉書

天文志云鬼中一星名鈇鎖蓋質即鎖也古字少後
人多加偏旁以分之遂疑為兩字耳

柳為鳥注正義星七星○七監本訛作一今改正

翼為羽翮○翮監本訛作融今改正

又正義翼二十二星○監本訛作二十星今改正
軫為車主風正義辰星守之徐泗有戣者○監本作徐
泗有戣之者之字衍今去

星星不欲明明與四星等若五星入軫星中兵大起○

漢書天文志同

臣照

按上星字應作轄星星不欲明

句不成文理且五星入軫即五星聚軫矣乃大吉也
若五星不拘何星入軫則無歲無之又安得兵大起
考晉書天文志乃知上星字為轄字之誤蓋軫四星

旁有轄星若轄星明與四星等即入軫中而視之若五星矣斯兵大起也索隱注朱均云五星主行使行使動兵車亦動也五星五字亦應作轄轄同主行使也

軫南衆星曰天庫○監本有正義注天庫一星主太白秦也在五星中十三字查係下文五帝車舍正義文重出在此今刪

西宮咸池索隱文耀鉤云○耀鉤監本訛作躍鉤今改

正

五帝車舍索隱吐秀含實主秋成○監本訛作含秀含
實主秋垂今改正

又正義次東北曰天獄○曰監本訛作星今改正
又其國絕食兵且起○且監本訛作見今改正

又三柱出外兵出柱入兵入柱出一月米貴三倍期
二年○監本訛作三柱入出一月米貴三倍今改正
又柱倒立尤甚○監本訛柱王尤其今改正

奎曰封豕主溝瀆正義人主爽德○監本訛作臣主其德今改正

又熒惑星守之○守監本訛作主今改正

其南衆星曰層積集解芻藁積為層也正義芻藁六星○藁監本俱訛作蒿今改正

昂曰髦頭正義昂七星○七監本訛作一今改正

畢曰罕車為邊兵正義主四夷之尉也○監本脫主字

今添

昂畢間為天街正義土金守胡兵入也○土一本作火
主葆旅事正義葆旅野生之可食者○者監本訛作也
今改正

又國易政○政監本訛作正今改正

其南有四星曰天廁正義天廁四星在屏東○監本脫
東字今據宋史天文志添

其東有大星曰狼狼角變色多盜賊正義金火守亦如
之○舊本作金木火守亦如之臣照按星占木為德

星守則為休祥木字乃衍文也今刪

危為蓋屋○屋監本訛作室今改

又正義危為蓋屋蓋屋自有星恐文誤也○監本少
下蓋屋二字今添

虛為哭泣之事索隱姚氏按荊州占以為其宿二星南
星主哭泣虛中六星不欲明明則有大喪也○

臣照

按星圖虛南二星為哭哭東二星為泣荊州占既云
虛中六星則是合哭泣四星言之矣又以為其宿二

星南星主哭泣文必有誤

其南有衆星曰羽林天軍正義羽林四十五星○監本作三十五星伏查晉書天文志及步天歌皆作四十五星今改正

又正義天軍也亦天宿衛主兵革不見天下亂○監本訛作亦天宿衛之兵革出今改正

軍西為壘或曰鉞正義占五星入皆兵起○監本作占之非故兵起語不可解今據晉書天文志改五星入

皆兵起

營室為清廟○

臣照

按二十八宿列于天官書五官者
唯二十七壁不與焉爾雅亦同至分野則曰營室至
東壁并州較他宿亦多一至字殆室壁本一星若曰
室之壁云爾

旁一星曰王良正義金火守入皆兵之憂也○監本訛
作皆其之憂也今改正

牽牛為犧牲○正義二星主閭梁下脫次三星主南越

六字今據宋書天文志添

其北河鼓索隱孫炎云河鼓之旗十二星○

臣照

按星

圖河鼓左右旗各九星

失者罰出歲星正義歲星盈縮以其舍命國所在之國
不可伐○監本脫以其舍命國五字今添

以十月與角亢晨出曰大章集解徐廣曰一曰天皇索
隱天文志亦作天皇○監本天皇俱訛作大星今改
正

長二丈類彗○監本訛作類彗星今改正

熒惑熒惑為勃亂殘賊疾喪饑兵○

臣照

按熒惑熒惑

句似複出熒惑二字

又正義天官占云○占監本訛作志今改

五星皆從而聚于一舍正義四星若合是為太陽○太

陽監本誤作大王今據晉書天文志改

謹候此○此三字應在熒惑章下舊本刊於填星章首

今改正下太白章謹候此三字亦同

大饑戰敗為北軍軍困○

臣照

按正義曰為北軍北也

凡軍敗曰北然則張守節時尚無戰敗為北軍之文也惟無戰敗之字故張守節解此北字曰敗若本文有之則不應為此解也疑原文係大饑戰為北困六字傳寫訛謬將注混入耳

曰西方秋司兵月行及天矢正義星是古歷星若竹孛牆星猿星白翟○

臣照

按正義此文皆隳括晉書天

文志為之其數妖星名尚少三星一曰若星一曰帚

星一曰若彗然則星是古歷星若六字乃若星帚星若彗之訛也

為八歲二百二十日○八監本訛作百今改正

可以兵從天下正義晉書天文志○監本脫字甚多至不可解今以晉書天文志本文改正

出而留桑榆間集解凡望雲氣平望在桑榆上者○監本訛作正出氣平正出桑榆上者今改正

當出不出是謂擊卒○擊監本訛作繫今改正

正旗上出正義旗星名有九星言辰星上則破軍殺將
容勝也○辰星上句疑有脫字當作辰星出其上

間可械劔○監本有正義漢書云辰星過太白間太白
可械劔明廣雅是也略無文理定係傳訛今刪

七星為員官辰星廟蠻夷星也○按此三句當在夏則
不長之下舊錯簡在翼軫荊州下今改正

居軍不勝○軍監本訛作暈今改正

見半日以上功大○大監本作太連下白字為太白遂

不可解今改正

行南北河以陰陽言旱水兵喪正義若月行北河以陰則水兵南河以陽則旱喪也○監本訛作自行北河以陰則南河以陽則水旱兵喪也今改正

其星狀類辰星去地可六丈大集解徐廣曰大一作六

○臣照

按大下疑有脫字漢書天文志云五殘星大而黃下賊星大而赤司危星大而白獄漢星大而赤可證徐廣一作六之說非也

星者金之散氣本曰火集解孟康曰星石也○監本訛作星名也今改正

其蜚者類闕旗故○

臣照

按監本將索隱文刻于闕旗

之下遂使故字連下句乍讀不覺細味之故鈎雲句曲故字作何解耶類闕旗鼓斷句蓋言杓雲之蜚者如闕旗而又色敝敗也

而澤搏宓其見動人乃有占○

臣照

按宓字不可解蓋

密字也缺其下半傳寫至今

天開縣物○

臣照

按此節文多訛謬不可強解

四始者候之日正義謂正月旦歲之始時之始日之始月之始故云四始言以四時之日候歲吉凶也○

臣

照

按四始本書明指冬至臘明元旦立春四日言正義專以正月旦言又不著所本殊不可憑且謂以四時之日候歲吉凶更不可解

史記卷二十七考證

謹案第二頁前三行占以徒為不吉刊本徒訛從
據宋史天文志及馬氏象緯考改

第二頁前八行直當也又音值刊本值誤直據索
隱本改

第四頁後三行海岱代郡也案代郡與海岱絕遠
此代字必有誤

第八頁後二行柳八星為朱鳥味刊本味訛味今
改

第九頁前一行上相兩星間名曰東華門刊本相
說將據上序星次改

第九頁前二行右執法上將間名曰右掖門刊本
將說相今改

第十八頁前五行爾雅云須女謂之務女案爾雅
無此文考星經云須女四星亦曰婺女此爾雅
疑作星經

第二十五頁前七行以填主土故也刊本土上行

木字今刪

第二十九頁後一行金謂太白也刊本金訛會今

改

第二十九頁後四行園以靜刊本園訛國據宋本

改

第二十九頁後八行晉灼曰奕退之不進案漢書

注作奕退也不進而伏不見也此有訛脫

第三十六頁後四行而五月者凡五百一十三日

而復始據索隱說當作五月者五凡百一十三
月而復始

第三十八頁後五行本曰火案漢書火作人疑是
第四十頁後八行明本無二十餘三字疑刊本衍
第四十二頁前五行蕭索輪囷刊本輪訛綸據宋
本改

第四十四頁前三行比數兩刊本兩訛兩今改
第四十六頁後二行莊公三十二年刊本二訛一

據春秋改

第四十七頁前四行宋襄公時星隕如雨正義謂
僖公十五年正月戊申朔隕石于宋五按春秋
乃僖公十六年非十五年也又按左傳隕石于
宋五隕星也不言如雨如雨乃桓七年事去宋
襄絕遠史記本誤張隨文解之爾





總校官庶吉士臣侍朝

校對官檢討臣王鍾健

謄錄貢生臣張賦京